

## **Loma Loma am nâmkinpepenmak ekngat zapat meluwan Pâlan kumindaye.**

Loma zapat meluwan kapiyelen zet yanbenti zenzeyelen kapigok. Pâl egan Zisasimak ku mange yangut egat kwitnan Zisasiyelen nemba ekngalen mangeen tazin. Yanan kapigokgalen: Egan mulup mge ke Zisasiyet nembananeyan mimiyelen sepem keyet katan Pâlan mulup mge. Kogogapmti egat kwitnan Kawawangalen Zet Zapat Dolaknan Penan timamti zenzeyelen an kumteti ombempepenan kegok nep zewanek. Loma zapat meluwan kapi Pâlan kuye. Pâlan Kawawangalen Tâtâ Alaknan kapiyet kejanen egan zapat meluwan mme 14 kegok beye. Pâlan Loma zapat meluwan kapi kukngat ku kuye yangut an mange Kawawangalen Zet ondekbeme papia noteknan kwep kwage eknenan Loma nenan bewien. Pâlan zapat meluwan kapi Kolin mkaen tati am nâmkinpepenmak Loma mka temanen mamtemien ekngat kumindaye.

Pâlan zet yanan kulekiyet zapat meluwan kapi kuye? Zet noteknan kapigok: Kawawangalen Zet Zapat Dolaknan Penanan set pembenan zikat ndame Kawawangalen tususu aiikgalen setnan nâmkinpepe. Kegok mme Kawawangalen an ten zemindendeyelen. Wa ke zii zet gawepupunangapmti yek. Ke Zuda am mange ekngalen etan yek. Am notnan Zuda

manjeen ku sokbemberaŋ ekŋengat temakwep. An ŋenaŋ Loma zapat meluwaŋ Pâlaŋ kuye kapiyet zet ŋen pigok zeye, “An ŋen notnaŋ set zikat same nâmkijpepe aiiŋgalen nâmti Loma zapat meluwaŋen mâtâti notnaŋ set ke ŋep zikat sasayelen, enenogat tunjupmaŋ sambeyet yewenjan set keboŋgat zetnaŋ e zemâtâzin etaŋ.” Zet isisikŋaŋ notnaŋ kapigok: Egaŋ Loma dapmelange met indikti keyetnaŋ Sipenia mebegalen nâmti kumindaye (1:10-15; 15:22-29). Pâlaŋ Kawawaŋgalen keŋaŋ temaŋ kapigok tazin zeye, Zuda am ma am sambe ekŋen temakwep Kawawaŋmagen kokogalen nâmti kuye.

### **Zet ŋotekŋaŋ temaŋ kapigogaŋ Loma zapat meluwaŋ kapiyet keŋaŋ talip:**

*1:1-15* Zet mopmaŋ bemti zet zenzeyelen zet

*1:16-17* Zet yewenaŋ kapiyet keŋaŋ tazinaŋ zet zapat meluwaŋ kapiyelen zet ŋotekŋaŋ penaŋ bein

*1:18-8:39* Zuda ammak am Zuda manjeen ku sokbemberaŋ ekŋen temakwep am yom toŋaŋ. Nâmkijpepe etaŋaŋ am mme teŋ makwalip

*9:1-11:36* Islael am ekŋengalen zet kululuŋin ma Kawawaŋaŋ ekŋengat zigok manâmtazin keyelen zetnaŋ

*12:1-15:13* Mama mimiyen nâmkijpepeyeyet yaŋaŋ ŋep msokbembeyelen

*15:14-16:27* Zet zemdelaŋ zenzenaŋ notnaŋ ma wisikŋ zetmak zemgwatnaŋ zet notnaŋ mge

<sup>1</sup> Neŋ Pâl Zisas Kilaisiyelen mulup anaŋ mamti

Kawawaŋgat Zet Zapat Dolakŋaŋ Penañ zem-palakŋaŋ bembeyelen nâmti ombemneŋge

<sup>2</sup> Kawawaŋgalen Zet Itnaŋaŋ teŋ keyaŋ Zet Zapat Dolakŋaŋ Penañ keyet eweŋaŋ Kawawaŋaŋ zetik mti golan zenze anene zeme kumâbien.

<sup>3-4</sup> Ke ikŋaŋgat Nemuŋaŋ ningat Amobotnaŋ Zisas Kilais. Ek an ningalen sek penaŋ timti amnaŋ masokbenup keyet kataŋ Dewit egalen maŋgeen sokbeye. Naman Kawawaŋaŋ gakikiengatnan mme wage keyaŋ msokbeinen ek ilak Kawawaŋgat Nemuŋaŋ. Ek An Teŋ Kawawaŋmak windeen tati zemâtâtât mulup msâpm ke sosok sokbemkawaŋ beye.

<sup>5</sup> Zisas Kilais Amobotnaŋŋaŋgat pembenagaŋ Kawawaŋaŋ keŋ taolet mnamti ombemneme Zet Zapat Dolakŋaŋ Penañ mmebegalen mulup ke naŋge. Kegok mti Zet Zapat Dolakŋaŋ Penañ kapi msat kataŋ zemepma ikŋaŋgat kwizet buŋamaŋ palakŋaŋ bemepme amnaŋ nâmkinaŋpenti gawepupuyelen nâmti zemneŋge.

<sup>6</sup> Mti in Loma mkaen talip kegogak Zisas Kilaisiyelen am bembeyelen Kawawaŋaŋ indazemtetiŋaŋ keyepmti Kawawaŋgalen mulup kapi inmagen kegogak mimiyet zemneŋge.

<sup>7</sup> Keyepmti neŋ in sambe Kawawaŋ gogot mimindamti indakumtetime ikŋaŋgat zapat bewien Loma mkaen maip ingat zapat meluwaŋ kapi kumindayap. Neŋ ingat keŋ nembeinen Bipm Kawawaŋ ma Amobotnaŋ Zisas Kilaisiyaŋ keŋ taolet ma keŋ sewak mimindawe.

*Pâlaŋ Loma am ekŋen met indidikgat nâŋge*

<sup>8</sup> In Zisas Kilais nâmkînpewien keyet zapatnaŋ msat kataŋ am sambe ekŋenmagen mekopme ingat nâmindeme dolakŋaŋ bein keyepmti neŋ in sambeyet nâmti Zisas Kilaisiyet kwitnanen Kawawaŋnnaŋgat wisikŋ zeyap.

<sup>9</sup> Neŋ Nemunaŋgat Zet Zapatnaŋ Dolakŋaŋ Penaŋ zemti keŋnaŋ Kawawaŋ sisiliŋ mulup msama egaŋ eknâm mme neŋ penaŋ zeyap neŋ kan kataŋ mandunduyapnok ingat maotnâyap. Ke Kawawaŋaŋ ŋep nâin.

<sup>10</sup> Maneti Kawawaŋaŋ nâme ŋep beme sakwep set aikme inmagen kokogat nâmti mandundum sayap.

<sup>11</sup> Neŋ in koindidigalen penaŋ nâyap. Neŋ kolawen ingat nâmkînpepenin mkatikŋaŋ bema Emetak Teŋmagengatnan mama mimi makozin keyaŋ kot mukulem mimindeme katikŋaŋ bemti tatagat nâyap.

<sup>12</sup> Yaŋ inmagen kolawen nâlen nâmkînpepen Kawawaŋmagen tazin keyaŋ in indamukulem mimindawe ma ingalen nâmkînpepenin Kawawaŋmagen tazin keyaŋ neŋ kogogak mukulem mnewe. Kogok mbanup keyaŋ ningalen tususu kwep e wemdain kegok nâmbanup.

<sup>13</sup> Kilaismagen notnne, in nâgât yaŋŋ kandabepmagengapmti pigok zema nâit. Neŋ am Zuda maŋgeen ku sokbembeŋaŋ notnaŋ ekŋen Kilaismagen timkwat indendeyet mammelap kegogak inmagen mulupmnaŋgat penaŋaŋ sokbembeyet manâyap. Yaŋgut kan sambe kosât penaŋ mma mulup sambeyaŋ nayupme tentewati matalap.

14 Neŋ am sambe Glik zet nâip ekŋenaŋ ilinaŋgat nânâŋinmak manâip ma am zet notnaŋ nâiwengat nâmindeme an tototnaŋ mambeip ekŋen kemagen Zet Zapat Dolakŋaŋ Penaŋ timmet diindondoyet mulup zet ke nananaŋ ke ilak ekŋengalen tosa butnaŋ neŋmagen tazin keboŋnok.

15 Kegok keyepmti neŋ Loma mka teman am inmagen Zet Zapat Dolakŋaŋ Penaŋ zenzeyet keŋnaŋ puŋpuŋ kogogak mamin.

*Nâmkiŋpepe etaŋaŋ mme mama kanzizit tiwanup*

16 Neŋ Zet Zapat Dolakŋaŋ Penaŋ kapiyet nâma sakambukŋaŋmak ku mambein. Ke Kawawaŋgalen winde keyepmti am kwiyaŋ nâmkiŋpewe beme egaŋ kululuŋgat zapat mambe. Zet Zapat Dolakŋaŋ Penaŋ ke Zuda am ekŋenaŋ ŋeŋaŋ nâmbien. Âpme alakŋati am notnaŋ Zuda am maŋgeen ku sokbembenjaŋ ekŋenmagen mesokbein.

17 Zet Zapat Dolakŋaŋ Penaŋaŋ manzemâtâtndainen Kawawaŋaŋ am mme ikŋaŋmak teŋ mamayelen manzemkawaŋ beinen am ek nâmkiŋpeip. Kegok ke eweŋaŋ baenen mkwageaŋ ewe tusumti mmobe ke nâmkiŋpepeŋin Kawawaŋmagen tazin keyepm ekŋengat kogok manâin. Kawawaŋgalen Zet Itnaŋaŋ pigok zenzeŋaŋ,

“Am Kawawaŋ manâmkiŋpep ekŋen Kawawaŋaŋ nâmkiŋpepeŋinaŋ ekmagen tazin ke ekti kwilin, ‘An teŋ,’ makuin.” *(Habakuk 2:4)*

*Am sambeyan Kawawan bamkumpemâbien*

<sup>18</sup> An ekñenan Kawawan bamkumpemti ekñenan mama mimi bekanan mti Kawawanğalen zet penan ke mtopeipgapmti Kawawanğalen nenzinziñ kululuñengatnan sosok masokbemkawan bein.

<sup>19</sup> Kawawanğalen yanñ am ekñenan nânâyelen ke sosok penan. Kawawanñ ikñanğagak zemsokbemindaye.

<sup>20</sup> Kawawanñ kululuñ ma msat yanñbemti mge kaimgatnan alak kapi amnan ek ku eekgalen yanğut windenñ delan zenzepin ke sosok nâip. Ke eğan kwitnan kwitnan mge keeset eknâm mamip. Keyepmti ekñenan sapepe zet nñen ku zenzeyelen.

<sup>21</sup> Ekñenan Kawawan mamain ke nântinğut ku mamainok egat nâme belakñan penan beme egat kwizet buñaman ku mwabien ma egat wisikñ zet nñen ku zewien yek. Ekñenan zem yunğunğu omba penan mti keñin kilom beme tambusosogañ indasumunğe.

<sup>22</sup> Mti, “Nin nânânmak mamanup,” zemti mbi-enanğut ekñen nânâninpin penan bewien.

<sup>23</sup> Kegok mti ekñenan Kawawan mama kanzizit mamain ke sesewatsasapin ekñenan nopiom ma age wenñ nembon ma soñgom wenñ nembon ma sayomgamak nombe wenñ nembon bam yek bemâbe ekñengat wenñin sâme temepme ke sesewatsawien.

<sup>24</sup> Kegok mme keyepmti Kawawanñ indik talat indeme mama mimiñin bekananğat tikñanñ indamandame meti bekanan omba sakambukñanmak penan ilinanğat

nâmtikŋaŋinaŋgat mamip. Keyaŋ indamandame nolin ilin nembon kemak set kileŋ mama omba mbien.

<sup>25</sup> Ekŋenaŋ Kawawaŋgalen zet penaŋ peme tapme zet notnaŋ dâsuki tusumti nâmebien. Âpme ekŋenaŋ Kawawaŋgat mundumanen kwitnaŋ kwitnaŋ egaŋ mme sokbeye ke sesewatindawien. Kawawaŋ An kwitnaŋ kwitnaŋ mme sokbem-beyelen An ikŋaŋ ke amnaŋ kan kataŋ sesewat-gatnaŋ sesewatsasayelen. Ke penaŋ.

<sup>26</sup> Am ekŋenaŋ ek bamkumpewien keyepmti Kawawaŋaŋ katik indeme ekŋenaŋ sekŋinaŋgalen tikŋaŋ ombaŋaŋ indamandame yom sakambukŋaŋmak mbien. Ma imbi mee ekŋenaŋ kogak Kawawaŋgalen zemâtâtât katipemti mama mimi bekaŋaŋ imbiyaŋ imbi nolinmak set kileŋ mambien.

<sup>27</sup> Ma an ekŋenaŋ kegogak awembiŋ mama ke katikpemti keŋinan set kileŋ mamayelen tikŋaŋ ombaŋaŋ indamandame anaŋ nolinemak tamaŋ mama kataŋ mambien. Ili ilinagak kekok mti sakambuk temaŋ aikbien ma keyet penaŋaŋ sekŋinan walelet aikme delaŋ zeye.

<sup>28</sup> Naman ekŋenaŋ Kawawaŋgat yaŋaŋ ke nâmtiŋgut nânâŋinaŋ ek mkatik bembeyet ku nâmbien keyepmti Kawawaŋaŋ katimindemti nâmindame ekŋenaŋ mama mimi mgasik penaŋ amnaŋ ku mimiyelen ke ekŋenaŋ mkwabien.

<sup>29</sup> Mti ekŋenaŋ mama mimi bekaŋaŋ yaŋaŋ yaŋaŋ sambe ma nolineyelen kwitnaŋ kwit-naŋgat kakiki ma kasa kasa ma pepet ma dâsuki tetimae ma zekuku mamip.

<sup>30</sup> Ma zeok zet ma Kawawaŋgat ŋenzinziŋ mimi ma noline mtoidende zet ma segeyak notnaŋ ma sek mmobot mti mapoŋgeŋin makup ma ekŋenaŋ bekaŋaŋ sambeyet ŋoktik beme ma mambiwineyet zet kululu

<sup>31</sup> ma keŋ weyaŋ otnânâpiŋ mama ma zemkatik bemeŋin ku mamtalip ma am kemeŋinpiŋ. Mti ilinaŋgat siwin butnaŋ ku maotnâindaip.

<sup>32</sup> Kwitnaŋ kwitnaŋ ke mbep beme gakiwep Kawawaŋgalen zii zet teŋen kekok tazin ke nâmtiŋgut mamaip. Yaŋgut ke etaŋ yek. Notnaŋ ekŋenaŋ mama mimi keyegak mme ekŋenaŋ kwizet buŋamin mamwatindeip.

## 2

### *Nin am sambe an yomtoŋ*

<sup>1</sup> Kilaismagen notnne, in eneyet amnegak yominaŋgat tosaŋaŋ mutumindandayet omkakali mulup mamip? Kawawaŋaŋ am yominaŋgat tosaŋin mamutumindain keyet zet mobotnaŋ mimipiŋ mbek? In ekŋengat am bekaŋaŋ dopmaŋin mutumindandayelen kogok zeip beme in ilinaŋgat yomin zemsokbeip. Eneyet in yom sepem kwep ekŋenaŋ mamip keyegak mamip.

<sup>2</sup> Mti am kekok mamip ekŋen ke Kawawaŋaŋ zet zemdelan zenze mulup mti yominaŋgat dopmaŋin mutum maindainen keyet yuŋguŋguŋaŋ ku tazin. Ke nin nâmtatnupgapmti

<sup>3</sup> kapiyet otnâit. In ilin ekŋengalen myuŋguŋguŋin keyet zetnaŋ zemti naman ilin keyegak mamip. In nâme Kawawaŋgalen



dopmanj mututu kan keyan in ku sehem indewe nâseipgat.

4 Kawawaŋaŋ ingat gogot ma keŋ pembe-naŋ tatnâmindein ma damuŋ nâmisim main pi yaŋaŋmak: Egaŋ in yominangatnaŋ keŋin gilik zemti egat keŋin talasim sasayelen nâmti damuŋ tazin keyepmti in bamkumpepepiŋ. Mama mimi bekanan tapmip keyan zemsokbeinen in Kawawaŋgat yaŋaŋ ku nâmâtâlîp.

5 Ma kegogak inmagen zigok sokbewe kapi nâmâtâbep. In keŋin katikŋaŋ penaŋ. Kok keyepmti in yominangat dopmanjin Kawawaŋgalen ŋenzinziŋ ma zemdelaŋ zenze myuŋguŋguŋepiŋ keyet kanaŋ sokbesâpm ke ewe inmagen mobogalen mme omba mambein.

6 Kawawaŋaŋ nin mama mimi mben keyet kataŋ tosaŋaŋ ndamâbe.

7-10 Am notnaŋ ekŋenaŋ mama mimi dolakŋanen katikŋaŋ bemti matalip. Mti mama mimi busatnaŋmak mamip ma mama mimi Kawawaŋaŋ nâmtikŋaŋ mam ke ma mama ŋep ku yek bembeyelen Kawawaŋmagen titiyelen webem maip ekŋen ke Kawawaŋaŋ mama kanzizit ke indawe. Zuda am ekŋen ŋeŋaŋ indamti am notnaŋ Zuda am maŋgeen ku sokbemberaŋ bam indawe. Yaŋgut am notnaŋ ilinaŋgat etaŋ nâmti zet penaŋ ŋotekŋaŋ mambamkumpemti mama mimi bekanan mâtimaip ekŋen Kawawaŋaŋ ŋenzinziŋ m indamti dopmanjin kwitnaŋ kwitnaŋ nukŋaŋbeŋ penaŋ mutumindawe. Bekanan mimi am sambe ekŋen sindem ma nukŋaŋ temaŋ ekŋenmagen

sokbewe ke Zuda am ekñenmagen ñeñañ ma am notnañ Zuda am mañgeen ku sokbembenañ bam sokbemindasâpm.

<sup>11</sup> Kawawañmagen ekñ ke ekñ ke ku tasain.

<sup>12</sup> Am Zuda mañgeen ku sokbembenañ ekñenañ zii zet nânâpiñ mamti bekanañ mamipgapmti yominañgat dopmañ mutumindamti walelelen indaween zii zelen timtati ku zem indowe. Enenogat ekñenañ bekanañ ke pembenañ ke keñinan baen zemâtâtât kegok ke sokbeme nâmpemti mamip keyet penañañ Kawawañañ dopmañ mutumindawe. Ma am zii zet nâmâtâtinğut bekanañ mamip ekñen ke Kawawañañ zii zelañ tazin keyet katanñ zelin zemdelañ zemindewe.

<sup>13</sup> Zii zet belak wagañ etañ manâmpeme wein ekñen keboñ ke Kawawañañ indikme teñ penañ ku mambeip. Nâmti mañgawepuip ekñen keboñgagut egañ nâmindeme teñ mambeip.

<sup>14</sup> (Am Zuda mañgeen ku sokbembenañ ekñenañ zii zet ñen ñep zemzikat indam ku mimiñañ ekñenañ keñinañgalak zii zet gawepumti am zii zepiñañğut zii zetmak mamañañ mamaip.)

<sup>15</sup> Kegok mme zii zet keñinan baen meluwañ mpepeñañ keyet yañañ mamsokbemkawañ bein. Zii zet ke Kawawañañ keñinan kumpeye keyepmti keyañ kemi kemi mamimindain. Âpme Zuda am mañgeen ku sokbembenañ ilinañgat ñoktikñinan epeeme kalañti nembet mambekekindeip naman nembet mama mimi mamip keyet nâmindeme ñep mamip.)

<sup>16</sup> Kawawaŋaŋ Zisas Kilais amgat zet zemdelan pepeyet mulup zet zapat zepepeŋaŋ kan ke kosâpm. Koti am sambeyelen bekaŋaŋ mimiyeleŋ tikŋaŋin, ŋotikŋinaŋ nâmbien ma keŋinan enzililiŋan maakumbeip ke kalaŋ kumti ekmâbe. Neŋ Kawawaŋgalen Zet Zapat Dolakŋaŋ Penanen zem ndowe mandiindoyap. Keyet katan am sambe Kawawaŋgalen zet muluwen tapmann delan zemâpbe.

*Zuda am ekŋenaŋ zii zet ekŋenmagen tazin kogok zemti sek mmobot mamip*

<sup>17</sup> Âpme in Zuda am keyepmti sekŋin mmoti manzeip, “Zii zelaŋ etaŋ nep ndamukulem m ndeme Kawawaŋmak notn notn mmambanup,” manâip.

<sup>18</sup> “Nin Kawawaŋ amnaŋ zigok mimiyeleŋ manâmain ke nep nâmtatnup. Nin zii zet keŋan pembenan de mamayet ke eweŋan nâmbenn,” zemti sek mobot maip.

<sup>19</sup> Mti in am zii zet ku matimaipgat pigok manâip, “Ekŋen ke zikalin beŋaŋ ma tambusosogen mamaipgapmti nin nep indamandanti busatnanen kweindewanup.”

<sup>20</sup> In am nânâŋinpiŋ ekŋengalen zemâtâtât ma Zuda am maŋgeen ku sokbembeŋaŋ ekŋen nemunambanok nâmindemti manzikat indaip ma in zii zet taindaingapmti in kwitnaŋ kwitnaŋ nep nâmâtâtŋup zemti zet mobotnaŋ mamip keyepmti in zet zeip ke penaŋak kok manâip.

<sup>21</sup> Ma in kegok zemti am notnaŋ etaŋ zemzikat indaip yaŋgut keŋin zemzikat sasapiŋ mamip.

In amgat, “In kambu ku tiwep,” zemtingut ilin kambu matip.

<sup>22</sup> “In sek kilen ku mambep,” zemtingut in ilin sek kilen mamaip. In nopiom mee manzemtalat indeip yangut in ilin naman nopiomgalen mkaengatnaŋ kwitnaŋ kwitnaŋ kambu matip.

<sup>23</sup> In zii zetgat nâme mobotnaŋ beme sek mmobot palen mamaip yangut zii zet kulumti mama mimi bekanan mamip keyan Kawawanŋ kwizet buŋaman mamtopeip.

<sup>24</sup> Keyepmti Kawawanŋgalen Zet Itnananen kapigok zein,

“Am Zuda mangeen ku sokbembenan eknenan ingalen myungungu ke ekti Kawawanŋat kwitnaŋ kwelat makumpeip.” *(Aizaya 52:5; Esekiel 36:22)*

*Sek butnaŋ antimpepe keyan mme Kawawanŋgalen am ku bembeyelen penaŋ*

<sup>25</sup> In ilinmagen Kawawanŋgalen pilin bemti sekŋin butnaŋ antipepenan ke zii zet gawepume penaŋmak bewe. Ma zii zet ku gawepume sekŋinan pilin bembenan keyan penaŋepin bewe.

<sup>26</sup> Keyepmti an Zuda mangeen ku sokbembenan sekŋan butnaŋ ku antim pepepan yangut mama mimi esemten mti zii zet gawepuween ek Kawawanŋan egat nâme sekŋan butnaŋ antim-pepepan kebon bewe.

<sup>27</sup> Zuda am in zii zet taindain ma sekŋin butnaŋ antitinaŋ keyangut in zii zet maŋgosoip keyepmti am Zuda mangeen ku sokbembenan eknenan mama mimi dolakŋan mamip keyan in zem indoin.

28 An ñenanj sekñanj butnanj antitiñanj sekñanen pilinj etanj mti belak sekñanj Zuda am sepem mambe an keboñanj Kawawañgat zikatnan an ke Zuda ammagengatnan penanj ku bein. Sek butnanj antiti ke kegogak mamayelen ma keñgalen pilinj. Angat nâmkijpepenanj Kawawañmagen tazin ke pilinj nembonj.

29 Âk an ke keñaset pilinj bembenanj beme eganj Zuda an penanj mambein. Ke Kawawañgalen Emetak Tenanj keñanin mulupmanj mme nâmkijpepe maaigip wan zii zelanj yek. An ke Kawawañanj masesewatpein, amnanj yek.

### 3

*Mama mimi bekananj mama mimi pembe-  
nanjgalen winde ñep ku mtopepeyelen*

<sup>1</sup> Keyepm Zuda am mama ma sek butnanj antimpenti Kawawañmak teñ mama aiikgalen setnanj ñep ku tazin yangut Zuda am mama ma sek butnanj antiti eget muluwitmak.

<sup>2</sup> Penanj sukwep! Kukñanggat Kawawañanj Zuda am ekñen ikñanggalen Zet Itnananj kukuñanj ke ti mamayelen indaye.

<sup>3</sup> Âpme Zuda am ekñenanj Kawawañgalen Zet Itnananj kukuñanj am notnanj ke ku nâmkijpewien yangut Kawawañanj ekñen zigok mindasâgât zemkatik beye keyet katanj mbe.

<sup>4</sup> Penanj sukwep! Kawawañanj zetik mge ke penanj msâpm. Dâsuki yek. Am sambeyanj dâsuki manzemann delanj zein. Kawawañ etanj zetan manzein. Keyepmti Kawawañgalen Zet Itnananen zet pigok zenzenanj,

“Zedi sambe ke esemteŋ etaŋ bemâzin. Mti ekŋen zemindowanik beme gâlen zemindondo ke esemteŋ ma teŋ.” *(Sam 51:4)*

<sup>5</sup> Âpme mama mimi bekaŋaŋ Kawawaŋ Teŋ mamaŋaŋgat yaŋaŋ mamsokbein keyepmti Kawawaŋaŋ mama mimi bekaŋaŋ keyet dopmaŋ mutumndame ŋep ku bewe. (Zet ke amgalen nânâ etaŋ penaŋ zeyap.)

<sup>6</sup> Kegok ŋep zenzeyelen. Ke ŋep penaŋ yek. Kawawaŋ ek bekaŋaŋnaŋgat tosaŋaŋ ndame ŋep penaŋ bewe. Kawawaŋ ek esemteŋ ku manak ze zigoset egaŋ am sambe kapiyelen zelin zemdelan zenak?

<sup>7</sup> Âpme naman Zuda am nin Kawawaŋgalen zet ku gawepumti keyet nâmann pembenan tatnup beme keŋnan kapigok nânup. Kawawaŋaŋ am indikme yom mip ekŋengat am yomton manzeingapmti neŋ bekaŋaŋ miap keyaŋ Kawawaŋaŋ manzein ke bandim mti mma egat kwitnaŋ mamwatomzempeap. Mti pigok zenup Kawawaŋaŋ ningalen bekaŋaŋ nnaŋgat dopmaŋ ku mutumnanayelen enenogat egaŋ Zuda am maŋgeen ku sokbembeŋaŋ ekŋen mammimindain keyet kataŋ ŋep ku minndawe.

<sup>8</sup> Âpme ŋoktikŋen Zuda am ekŋenaŋ manâiwen kapigok, “Nin bekaŋaŋ omba penaŋ mne, kogok mman Kawawaŋmak teŋ mama ke sok-sok sokbek.” Am notnaŋ ekŋenaŋ ŋoktik keboŋ ke timamti tazempalakŋaŋ beyap zemti neŋ nânbem neyo. Keyepm bam maneti keyet tosaŋaŋ tiwep. Zet ke penaŋ sukwep.

*An ŋen teŋ yek*

<sup>9</sup> Zemdelaŋ zesâti zet ŋen kapigok zesowap. Zuda am nin Zuda am maŋge ku sokbembenan ekŋen silim indemti pembenan mamnup kegok ŋep ku zenzeyelen. Yek, nin kegok ŋep ku zenzeyelen. Am nin sambe ilak bekananŋat keŋan toweti tatnup.

<sup>10</sup> Kawawanŋalen Zet Itjananen zet kapigok tazin,

“Msalen am ŋenan teŋ penaŋ ŋen ku mamain.  
Yek penaŋ.

<sup>11</sup> Ma am ekŋen ke Kawawan ku nâmâtâlîp. Ma ekŋen ke Kawawan ku matimalîp.

<sup>12</sup> Am sambe Kawawan bamkumpeme delaŋ zeme yom mti mimiek etaŋ mamîp. Am ŋenan mama mimi ŋen dolakŋaŋ ku mamin. Yek penaŋ.”

*(Sam*

*14:1-3)*

<sup>13</sup> “Dembusekŋin zaim timpeme matazin kegogak ŋandemti matalîp. Nambalaminan mobototot, mme zet dâsuki manzemyalonîp.”

*(Sam*

*5:9)*

“Zelin kukŋanben nombeyelen zet tuŋan bekanan am indime maŋgakiŋ keboŋ keboŋ.”

*(Sam 140:3)*

<sup>14</sup> “Dembusekŋinanen saik zet akŋaŋ bemisik tazin.”

*(Sam 10:7)*

<sup>15</sup> “Ekŋenaŋ am indome gakikiyet windenŋaŋ penaŋ mamîp.

<sup>16</sup> Kan kataŋ ekŋenaŋ kwitnaŋ kwitnaŋ kumwaletmeti am nukŋaŋ maindaîp.

<sup>17</sup> Ekŋenaŋ mamasi palen mama keyet setnaŋ ŋen ku nâîp.”

*(Aizaya 59:7-8)*

18 “Mti ekñenañ Kawawañgat bugan ku makingalip.” *(Sam 36:1)*

19-20 Nin kapigok manânup, zii zelen zet zenzenañ sambe ke am zii zetgat kandañan ma-maip ekñengat etañ zenzenañ. Zii zet etañ mâti Kawawañgat zikatnan teñ mamayelen ku tazin. Kegok yek. Keyepmti an ñenañ pigok ñep ku zenzeyelen, “Ñeñ teñ penañ mamayap.” Zii zelañ mama mimi bekanañ etañ manzikat ndain. Msat sambe am mamanupgalen yomnañgat Kawawañañ dopmañ mutumndandayelen kan keyet am ñenañ ku zemusulabe.

*Am Kilais manâmkinpein egañ kwit “Teñ mama” ke matin*

21 Keyepmti Kawawañañ zii zet ke tapen tapme egañ mama mimiñañ teñ ke sokbemkawañ bem-beyet setnañ ñen aigeyañ amnañ ekti nânâyelen tazin. Zii zetmak golañ zenze an ekñengalen meluwañen tazinen Kawawañañ amnañ mama mimi teñ mamayet setnañ ñen aikbe.

22 Am Zisas Kilais manâmkinpeip ekñen etañ Kawawañañ mme teñ makwalip. Kogok mti Kawawañañ am Kilais nâmkinpepeñañ Zuda ma am Zuda mañgeen ku sokbembenañ ekñen Kawawañmagen nâmkinpepeeset kolip ekñen ke indikme sepem kwep mambeip.

23 Nin sambe yom mbenn keyepmti Kawawañgalen mama teñ ke nin ku titiyelen. Kegok mti nin Kawawañañ mama mimiyeleñ nânge ke ku mbenn kegoselañ Kawawañgat kwitnañ ku mwapewann.



24 Kogok mamann Kawawaŋaŋ ningalen yomgat dopmaŋ Zisas Kilais peme toti gakiye. Kogok mge ke Kawawaŋaŋ keŋ taolet mindayeyepmti ningat, “An teŋ,” kogok manzein.

25 Kawawaŋaŋ eweŋaŋ amnaŋ yom mkwabien keyet dopmaŋ sakwep ku mutumindaye. Egaŋ keŋ taolet mimindamti Zisas peme koti yominangat dopmaŋ gakikiyet nâmti maindiktatan. Ya am egat nâmkînŋepwien Zisasiyet sipmaŋaŋ toti yomin zulut kwetetep mamindein kan keyet Kawawaŋgalen mama mimi teŋ ke mamkawaŋ bein.

26 Yaŋgut Kawawaŋaŋ ikŋaŋ keŋ teŋ toŋaŋ keyet yaŋaŋ zikat indandayelen alak pigogak am yomin belak ku maekpeme wen. Kogok mti egaŋ ikŋaŋ teŋ keyet penaŋaŋ am Zisas manâmkînŋeip ekŋen mme teŋ mambeip.

27 Keyepmti nin mamponŋaŋaŋ ene pembenan mbengapm kuwanek. Kegok nin ku mimiyelen. Eneŋogat ningalen mama kanzizitgat setnaŋ ke nnaŋgat pembenanŋnaŋgapmti ku aiikgalen. E Kilaismagen nâmkînŋepenup keyaŋ maaikndain.

28 Keyepmti kapigok nâmann wembe. Am nin zii zet gawepumtiyepm teŋ ku mambenup. Nâmkînŋepenn Kawawaŋmagen tazin ke ekti ningat an teŋ manâin.

29 Kawawaŋ ek Zuda am ningalen etaŋ yek. Ek kogogak am Zuda maŋgeen ku sokbembenan ekŋengalen. Ek nin sambeyelen Kawawaŋaŋ temakwep.

30 Ek Zuda am ma am Zuda maŋgeen ku sokbembenan ningalen Kawawaŋ apapalak matatndain. Zuda am notnaŋ ekŋenaŋ Zisas

nâmkinpewiengapmti am teŋ manâmindein. Am Zuda maŋgeen ku sokbembenaŋ notnaŋ ekŋen kogogak nâmkinpepeninaŋgapmti am teŋ manâmindein.

<sup>31</sup> Nâmkinpepeen kegok mti Kawawaŋgalen zii zetgat winde ke ku maasekman delaŋ zein. Yek penaŋ. Nin zii zet ke mwatonzemti matatnup.

## 4

### *Kawawaŋaŋ Abalaamgat an teŋ zeye*

<sup>1</sup> Abalaam ek an nin kabonaŋ ningat yeŋsokŋ. Keyepmti nin Abalaamaŋ mama mimi sepem zibonaŋ mame Kawawaŋaŋ an teŋ zeye e enenogat yaŋaŋ zenâ zenâ mne.

<sup>2</sup> Abalaam ek zii zet gawepupuŋaŋgapmti teŋ benak ze egaŋ nep iŋnaŋgat kwizet buŋamaŋ mwatnak. Yaŋgut Kawawaŋaŋ egaŋ kwitnaŋ kwitnaŋ dolakŋaŋ mge ke ekme betetnaŋ beye kogogapm Abalaamaŋ mampongaŋaŋ zigok sonak?

<sup>3</sup> Kawawaŋgalen Zet Itnanaŋen zet kapigok zein,

“Abalaam ek Kawawaŋ nâmkinpeye keyepmti Kawawaŋaŋ egat an teŋ nâmpeye.” (*Sokbe-mbe 15:6*)

<sup>4</sup> An ŋenaŋ mulup mme nin tosaŋaŋ samti kapigok nep ku zenzeyelen, “Kapi taolet gayap.” Kegok ku zewanek. Ke mulupmaŋgat tosaŋaŋ.

<sup>5</sup> Am nâmindeme teŋ kwakwagalen ke Kawawaŋaŋ etaŋ mimiyelen kegogapm an ŋenaŋ zii zetgat mulup mimipiŋ belak tati Kawawaŋgat nâmkinpewe beme Kawawaŋaŋ an yomaŋmak keyet an teŋ zewe.

<sup>6</sup> Dewilan zet ñen zenzenañ kangwa bandim mti zeye, “Am zii zet ku mañgawepup yangut Kawawañ nâmkijpeme ekñen keyet an teñ zemti yomin katikpepgapmti am ekñen ke kenjin oloñen bewe.”

<sup>7</sup> Naman Dewilan meluwañ pigok kuye,

“Kawawañ, geñ myuñguñguñin makatikpenik ma yomin manzuludik ekñen keyañ keyet nâme oloñen penañ bein.

<sup>8</sup> An ñen Amobotnañañ nâmpeme yomañmak ku mambein an keyañ oloñen min.” *(Sam 32:1-2)*

<sup>9</sup> Keñ oloñen ke am sekñin butnañ elenğenğenañ ekñengat zapat etañ bein yek. Am sekñin butnañ elenğenğepiñ mimiñañ ekñengat zapat kogok bein. Abalaam eget yañañ pigok nânup, ek Kawawañañ nâmkijpepenañgapmti, “An teñ,” zeye.

<sup>10</sup> Kawawañañ Abalaamgat, “An teñ,” kuyeen kan egañ sekñañ butnañ antimpepepiñ mame kuye.

<sup>11</sup> Ek sekñañ butnañ ewe antitipiñ mamti Kawawañ nâmkijpeme Kawawañañ yomañ katipeye kekok mtiñgut bam sekñañ butnañ antitiyet zempeye. Âpme Abalaamañ kekok mti am bam nâmkijpepe aikti yompiñ mambeip ekñengat ñeñañ bem indeye. Am ekñen ke sekñin butnañ antitipiñañgut nâmkijpepeniñgapmti, “An teñ” maip kekok nâmindeye.

<sup>12</sup> Mti am piliñinmak nin Zuda am ningalen ñeñañ bembe kekokak beye. Yangut piliñmak etañgapmti yek. Abalaam piliñpiñ mamti nâmkijpemti keyañ ningat set bein ke nin

keyegak mâti nâmkînpemti Abalaam egat njanan bembe an zemann nep bembeyelen.

<sup>13</sup> Kawawanjan Abalaam ma insokjane msat sambeyet tonan bembeyet zetik mimindeye. Ke zii zet gawepupunjanngapmti yek. Nâmkînpepenjanngapmti yomin katikpemti kekok mimindaye.

<sup>14</sup> Âpme zetik mimindandanjan ke nâmkînpeme indandayet zetik mimiñan wan zii zet manngawepup keyet yek. Kogogapm Kawawanjan kwitnan kwitnan sokbembeyet zapanan diindoye ke elak penanepin bein, eneyet ku nâmkînpewien.

<sup>15</sup> Zii zelan ndamukulem mme zetikgat keyet penanan ku msokbenak. Ziin zelan yomgat dopman sekñnanen Kawawanjalan nenzinziñ matime mozin; zii zetpin ze nin am zii zet kululu nep ku zewanek.

<sup>16</sup> Keyepmti kwitnan kwitnangat zetik mimindandanjan ke nâmkînpesepemti penanan Kawawanjalan keñ taolet palen sokbemti Abalaamjalan insokjane nin sambemagen katikjan bemti tabe. Am zii zet timaip ekñenmagen etan yek. Abalaaman nâmkînpesepemak set iye keyegak mâti mamnup ninmagen sepem kekokak masokbein. Egan Kawawanngat zikatnan ningat yensokj bein.

<sup>17</sup> Kawawanjalan Zet Itnananen zet kapigok kukanjan,

“Neñ geñ am sambe ekñngat biwin bewanik zemti zengewan.” *(Sokbembe 17:5)*

Kawawanngat zikatnan am nâmkînpesepemak nin Abalaamngat insokjane benup. Ek am gakikinan

nen mme wasât nâmti nep mme wadak. Ma Kawawaŋ winderŋ kwitnaŋ kwitnaŋ alakŋaŋ ku tatatnanen kwitnaŋ kwitnaŋ nep mme sokbenak.

<sup>18</sup> Abalaam ek am sambeyet biwin bembeyet Kawawaŋaŋ zeye keyet webemti zet ke penanaŋ zigok sokbewe keyet otnâpenj mamtan.

“Alikŋaŋdine sambe sokbemâbep,” *(Sokbembe 15:5)*

kapigok penaŋ Kawawaŋaŋ dunduyeyepmti keŋ zut ku mge keyet nâmkijpemtî mamamtan.

<sup>19</sup> Yanjut ek nup kanaŋ 100 besât mme nâŋge, “Neŋ ailip. Neŋ nempa nep ku msokbembeyelen. Ma Sela ek kegogak imbi ilip penaŋ beye keyepm egaŋ nep nempa ku ambebegalen.” Sepem Abalaamaŋ ilidaŋgat kegok ekti keyaŋgut nâmkijpepenaŋ ku katikpemâge.

<sup>20</sup> Kawawaŋ zetik mpeye keyet nâme penaŋepiŋ ku beye. Mti nâmkijpepen katikŋaŋ bem tati Kawawaŋgat nâme mobotnaŋ beme zemsesewat-samti zeye,

<sup>21</sup> “Kawawaŋ kwileki nen mimiyet zetik mamin beme keyet penaŋaŋ masokbein.”

<sup>22</sup> Keyepmti Abalaam ek zet keyet nâmkijpemtî mamkwage keyepmti Kawawaŋaŋ, “An teŋ,” zempeye.

<sup>23</sup> Kawawaŋaŋ nâme an teŋ beye zet ke Abalaamgat etaŋ ku zenzenaŋ. Ningat eyo nâmti zenzenaŋ.

<sup>24</sup> Nin Kawawaŋaŋ Amobotnaŋ Zisas gakikiengatan mme wage ke nâmkijpenup. Kegok mman Kawawaŋaŋ nin an teŋ nâmindewe.

<sup>25</sup> Ningalen yomgapmti Kawawaŋaŋ nâmindeme

Zisasi kume gakiye. Naman nin kwetetepmanj be-  
mbeyet Kawawaŋaŋ gakikiengatnan mme wage.

## 5

### *Kawawaŋaŋ ningat, “An teŋ,” manzein*

<sup>1</sup> Nin nâmkĩŋpepenaŋgapmti, “An teŋ” bewen  
keyepmti nin Zisas Kilaismagen wetekum tati  
Kawawaŋgalen keŋ sewakŋaŋ keyet kandaŋan  
mamanup.

<sup>2</sup> Zisasiyaŋ ikŋaŋ set kweselem ndeme  
Kawawaŋgalen keŋ sewakŋaŋ keyet keŋan  
mebennaŋ mamanup. Mamti Kawawaŋaŋ keŋ  
taoletnaŋgapmti ningat kwitnaŋ kwitnaŋ ego  
egomak ikŋaŋmak mamayet nâme wenje keyet  
webemti oloŋen palen mamanup.

<sup>3</sup> Yanğut ke etaŋ yek. Nin nukŋaŋ palen  
mama keyet kegogak oloŋen mamnup. Mti pigok  
manânup nukŋaŋ palen mamti nukŋaŋ ku mann  
tolep keyaŋ keŋŋ mgwatnaŋ mindeme epum ma-  
mayelen winde mandain.

<sup>4</sup> Keŋ mgwatnaŋ mindeme epum manup-  
gapmti Kawawaŋaŋ maman ke ekme ŋep beme  
mulup anaŋ manâmndein. Mti kegok mmann  
Kawawaŋaŋ ningat kwitnaŋ kwitnaŋ ego egomak  
ndandayelen keyet webepen tabanup.

<sup>5</sup> Nin nâmdelaŋpenuwen ningalen webembenn  
Kawawaŋmagen tazin ke penanaŋ kapigok:  
Kawawaŋgalen taolet Emetak Teŋ keŋnanen  
beme keyaŋ Kawawaŋgalen gogot bemisikndeme  
mambanup. Keyet webem tapmmann zeye katanj  
mindasâpm.

<sup>6</sup> Eweŋan am nin bekaŋan mti Kawawaŋ bamkumpem mambenn kan keyet Kilaisiyaŋ nin gilik zemndatitiyet gakimti am Kawawaŋ bamkumpemti mamanup nin ndatimâge.

<sup>7</sup> An ŋenaŋ an teŋ penaŋgat mti gakiki ke ninmagen kwep kwep tazin.

<sup>8</sup> Keyaŋgut Kawawaŋ egaŋ nin bekaŋan msamti mamann egaŋ gogot mimndamti zeme Kilaisiyaŋ ningat mundumnan gakiye.

<sup>9</sup> Egat sipmaŋgapmti nin kwit animbi teŋ ke tiwen. Keyepmti nin pigok nânuŋ, egaŋ nin aŋgalaŋ ndeme nin Kawawaŋgalen ŋenzinziŋen ku mobanup.

<sup>10</sup> Nin Kawawaŋ kasa msamti bamkumpem-manepeman Nemunaŋaŋ gakiye keyet pembe-naŋgapmti Kawawaŋmak keŋ kwep bewen. Naman Kilaisiyaŋ alak pigogat ek mama kanzizit mamti ningat Bipmaŋgat mamkandaŋan tati nin am nâmkiriŋpepemak yom ku mimiyet tadundum sain.

<sup>11</sup> Kogok mge keyepm nin keŋ oloŋen palen mane enenogat nin Kawawaŋgat kasaŋaŋ yek. Nin ekmak tususu mbenn e Amobotnaŋ Zisas Kilaisiyet gakikiŋaŋgapmti Kawawaŋaŋ kegok mindain.

*Adamaŋ walelet mkotndaye ma Zisasiyaŋ mama mkotndaye*

<sup>12</sup> Keyepmti nin kapigok nâne. Adamgalen yomgapmti am sambe yommak bemann delaŋ zeme gakiki ke ningat zapat bemâge. Eneyet nin Adamgat iŋsokŋaneyepmti kogok sokbemndaye.

Adamaŋ Kawawaŋgalen zet kulume Kawawaŋaŋ gakiki ekmagen sokbembeyet zeye keyet kataŋ.

<sup>13</sup> Zii zet ewe sokbembepiŋ tapme bekaŋaŋaŋ eweŋaŋ sokbemti weŋge. Zii zetpiŋ keyepmti bekaŋaŋat zem kakaliliyelen set ŋen ku tage.

<sup>14</sup> Âpme gakikiyaŋ Adam ekmagen yaŋbemti am sambe zii zetmak mamkwabien ma zii zetpiŋ mobotnaŋ bem indeme mamkwatnepeme Mosesiyaŋ zii zet tiye. Adamaŋ bekaŋaŋ mme keyaŋ peuŋ pemti am sambe nin ndabuluge sepem kegogak Kilaisiyaŋ gakimti mama aikndaye keyaŋ peuŋ pemti nin sambe ndabuluge. Neŋ ewe an zut kapiyet yaŋit zigosetgatnaŋ igak igak bein keyet tusumzesowap.

<sup>15</sup> Adamgalen yomaŋ am keŋin utukek indeme Kawawaŋgalen set ku mâbien yaŋgut Kilaisiyelen zet gaipupuyaŋ am Kawawaŋgalen set bemindeme mama aikmâbep. An kwepgalen yomgat am sambe gakiwien yaŋgut Kawawaŋgalen keŋ taolet eyaŋ omba penaŋ am ninmagen lenzim polak polak mimiyet nâmti Zisas Kilais peme toge.

<sup>16</sup> Mti kogogak Adamgalen zet kululuyet penanaŋaŋ am sambemagen gakiki sokbeye. Zisas Kilaisiyelen zet gaipupuyet penanaŋaŋ am sambeyelen yom zem zuluge. Kogok mti nin sambe Kawawaŋgalen ŋenzinziŋengatnaŋ ambulut ndemti an teŋ mama kogok zemndeye.

<sup>17</sup> An kwewetangalen zet kululuyepmti gakikiyaŋ sokbemti am sambe indatiye yaŋgut Kawawaŋgalen keŋ sewaknaŋ ma keŋ taolet keyet penanaŋ ningat am teŋ kegok zeye. Keyaŋ gakikiyelen mama mimi ke omba penaŋ



sebempemti tazin. Keyepmti am sambe ekñenañ kapi tiwep beme ekñenañ mama kanzizit oli oliñañmak Zisasmagen metimti mambep ke Zisas Kilais egalen mulup keyet penañañ.

<sup>18</sup> Keyepmti pigok eknup an kwewetanañ zet kulume am sambe nin teziñ ñandañgat zapat bemâben. Sepem kegok an kwewetanañ mama mimi teñ mme Kawawanañ am nin ñep an teñ kegok zemndeme mama kanzizit matinup.

<sup>19</sup> An kwep egalen zet kululuyepmti am sambe bekanañ bemann delañ zemâge. Kegogak an kwepgalen zet gawepupuñañgãpmti nin ñep teñ bemâbanup.

<sup>20</sup> Âpme bam zii zet sokbeme zii zet añgososoyelen mama mimiyañ omba penañ sokbeye. Yomgalen mama mimi temañ penañ sokbeyeyañgut kan keyegak Kawawañgalen keñ taoletnañ zii zet añgososoyelen mama mimi sebempemti omba penañ beye.

<sup>21</sup> Zet timtãmti kapigok zenzeyelen, yomañ gakikiyelen amobotnañ bemti mamain. Sepem kegogak Kawawañgalen keñ taoletnañ amobotnañ bemti yompiñ an teñ bemann egañ ndaikti mama kanzizit ndawe. Ke Amobotnañ Zisas Kilais gakimeyepmti set kegok ke sokbeye.

## 6

### *Nin Zisasmak temakwep gakiwen*

<sup>1</sup> Am notnañ keñ keñ nãmtiyepm kapigok mene manzeip, “Nin yom ewe mti mimiek tapmmann Kawawañgalen keñ taolelañ sokbemti temañ beme bekanãgalen mama mimi sebempewe.”

Zet kekok ke zewienan gut kekok nep ku zenzeyelen.

<sup>2-3</sup> Kekok nep yek. Nin Zisas Kilais nâmkijpenti tu zultbenn kan keyet ningalen keñ itnanan yomen ndatimti matowezin ke gakiyenok. Mti mamaen keyan ndatimti Kilaisiyelen gakikijanmagen temakwep tusumndeye. Ewanan yoman ndatimti mme gakikijanok mambenn keyepmti nin ewe yomen tusumti mama ke ku mambanup. In zet ke nâip, ma?

<sup>4</sup> Nin Kilaismak tusumti tu zultbenn kan keyet ekmak gakimann sumen ndabewienok. Kekok ke sokbeyeyepmti Kawawan Bipman winde tonan egan Zisas am sumengatan mme wapme mama alaknan saye kekok nin ekmak wati mama alaknan tiwenn.

<sup>5</sup> Ke nin ekmak tusumti egan gakiyenok gakiwenn keyepmti egan gakikiengatan wagenok nin wati egan mama alaknan tiyenok nin kogokak timti mmambanup.

<sup>6</sup> Nin kapigok nânuwen ningalen keñ itnanan ke Zisasmak tewen kuwien ke keñ itnanan bekanan galen winde yek bembeyelen ma bekanan galen sisilin mulup ewe ku mimiyet kekok mge.

<sup>7</sup> An Kilais nâmkijpenti ekmak tususu mge egalen keñ itnanan Kilaismak gakiyenok keyepmti yomgalen mama mimiyen ku maatam kitik mamtazin.

<sup>8</sup> Nin Kilaismak gakiwenn keyet penanan mama mimi alaknan kapiyegak aikti masâpmnup. Kekok penan sukwep nânuw.

<sup>9</sup> Nin Kilais egat yan nan nânuwen ek gakikien-

gatnan wage yaŋ bam ewe ku gakiwe. Gakiki winderŋ kume togeyepm gakikiyaŋ egat mobotnaŋ ewe ku mimiyelen.

<sup>10</sup> Bekanaŋgapmti gakiki kwep Zisasiyaŋ ke gakime delaŋ zeye. Yaŋ alak pi egaŋ mama mimi Kawawaŋaŋ nâmtikŋaŋ mimiyelen ke mamin.

<sup>11</sup> Naman in ilinaŋgat kapigok nâpeŋ nâpeŋ mamambep inwan bekaŋ ilak gakimti gaipeme weme pi ilak Zisas Kilaismak tusumti mama mimi Kawawaŋaŋ nâmtikŋaŋ mam ke mpeŋ mpeŋ mamambep.

<sup>12</sup> Keyepmti yomgalen mama mimi keyaŋ ewe amobotnaŋ bemti ku indikdamuŋ mme keŋ itanaŋgalen tikŋaŋ bekaŋ ke ku mâbep.

<sup>13</sup> In gakikiengatnaŋ indame wawatnaŋgapmti sekŋin ewe bekaŋgalen mama mimien ketalasime sisiliŋ mulup ku mbe. Yek. In sekŋin Kawawaŋaŋ mama mimi nâmtikŋaŋ mamin keyet sisiliŋ kuwep mti sekŋinaŋ bekaŋgat tikŋaŋ manâinen gaipeme weme Kawawaŋaŋ teŋ mama indandaŋaŋ keyet mulupmaŋ mbep.

<sup>14</sup> In zii zet kandaŋaŋ mamaipgapmti yek. Kawawaŋgalen keŋ taolet keyet kandaŋaŋ maip keyepmti bekaŋaŋ amobotnaŋ ku be-mindewe.

*Nin mama mimi teŋ keyelen sisiliŋ mulup mbanup*

<sup>15</sup> Am notnaŋaŋ keŋinan kegok nâmti kapigok zeip mene, “Nin Kawawaŋgalen keŋ taoletgalen kimbat keŋaŋ tatnup. Ma naman zii zelaŋ zemndowe keyet keŋaŋ ku tatnup keyepmti nin

bekanaŋ ewe mti mimiek mbanup.” Kegok zeip yaŋgut nin kekok ŋep ku zenzeyelen.

<sup>16</sup> Msalengalen amobotnaŋ ŋeniyet tikŋaŋ nâmti zetnaŋ gawepumti egalen sisiliŋ an bemti mulupmaŋ mamip. Kogogapmti keŋ itnaŋaŋgalen zet gawepup beme ek sisiliŋ kumsamti gaki walelelen melo yaŋgut keŋ alakŋaŋgalen mama mimiyet tikŋaŋaŋ tazin ke gawepuwanik beme ek sisiliŋ kumsamti mama mimi teŋ ke titiyelen. In zet ke nâip, ma?

<sup>17</sup> In eweŋan bekaŋaŋgat sisiliŋ mulup mkwabien ke ilak delaŋ zeye. Âpme pi in Kawawaŋaŋ mâti mamti Zet Zapat Dolakŋaŋ Penangat kandaŋan mepmâbien. Yaŋ alak pi in zet ke timti mamaip keyepmti nin Kawawaŋaŋgat wisikŋ zenup.

<sup>18</sup> In mama mimi bekaŋaŋgalen kimbat keŋan mambienen kelak Kawawaŋaŋaŋ kweselem indeme paselen kwawewetnaŋ. Kogok mti in mama teŋ keyet sisiliŋ kukuyet an bem indeme mamaip.

<sup>19</sup> Kwitnaŋ kwitnaŋ nâmâtâtâgalen ŋoktikŋin windenaŋ ewe ku taindain keyepmti zet ŋen sisiliŋ mulup mimi keyet bem zema nâip. In eweŋan selin belin ma sekŋin ke ketalasime mama mimi mgasik mti zii zet aŋgosomti yom sepem igak igak keyet sisiliŋ mulup mti kilen penaŋ mamkwabien. Ya kan pi in selin belin ma sekŋin ketalasime mama mimi teŋgalen ma Kawawaŋaŋaŋ mama mimi tikŋaŋ nâin keyet sisiliŋ mulup mit.

<sup>20</sup> Eweŋan penaŋ in bekaŋaŋgalen sisiliŋ mulup mmamkwabien kan keyet mama mimi teŋaŋ ku

indatam kitik mti tage.

<sup>21</sup> In alak pigogat mama keyet nâmti sakambuk aigip keyepm mama mimi keyet penañan pem-benañ yek. Keyet sekñan gwaen gakiki aiikgalen etañ tazin.

<sup>22</sup> Âpme kan pigogat bekañgalen tek ke kwalet topme Kawawañgalen am bemti maip. Mti keyet penañan keñ kwetetepmañ mama ke tiwien yañ bam maneti mama kanzizit ke tiwep.

<sup>23</sup> Bekanañgat tosañan teziñ ñandañen mebe-galen âpme Kawawañgalen añañan gogot keyet penañan Amobotnañ Zisas Kilaismak tusumti mama kanzizit ke tiwep.

## 7

*Zet zemkawañ bembeyet zet ñen awembiñgat palen bem zenze zet zein*

<sup>1</sup> Kilaismagen notnne, neñ zet kapi an zii zet nâmâtâtâtnañ ingat nâmti zeyap. In pigok nâip zii zelañ am alikmagen mulupmañ mam. Ekñen gakikiñamagen yek.

<sup>2</sup> Zet zesowap kapi zet zeya kangwayet bem zenzenok zesowap. Imbi ñen apmañ ewe alik tazinen awembiñ mama keyañ apmañmak tâm itdeme awembiñ talup. Gakiki etañan awem-biñ mama ke maelañgein. Mme imbiyañ keyet palañan kwileki ñen msât ñep minn.

<sup>3</sup> Âk imbi ke apmañ ewe alik ke mame ek katipemti met an ñen wabe beme egañ awem-biñ mama walepme yomañmak bewe. Apmañ gakime awembiñgalen tâtâ ke elenğewe. Âpme keyet palañan an ñen mewabe beme keyañ

awembiŋ walepme yomaŋmak bein kekok ku bewe.

<sup>4</sup> Keyepmti Kilaismagen notnne, nin bemzenze keyet yaŋaŋ kapigok nânâyelen, Kilais ek tewen kume gakiye kan keyet nin ekmak temakwep ndome gakiwannok. Mme zii zet keyet windenanaŋ nin ku ndatam tatagalen. Eneyet zii zet am gakikiŋaŋgalen zapat yek. Nin Zisas Kilais Kawawaŋaŋ gakikiŋatnaŋ mme wage an keyelen zapat. Keyepmti nin zii zetgat kandaŋan ku tatnup; nin Kilaisiyet kandaŋan tati Kawawaŋgalen mama mimi ego egoŋaŋmak ke nin toŋaŋ bemti timamasâpmnup.

<sup>5</sup> Nin an sekmak mambennen mama mimi bekaŋgalen kimbaleŋ tabenn kan keyet zii zelaŋ kwitnaŋ kwitnaŋ mgasik mimiyeleŋgat tikŋaŋ nânâ ke mme mamnup keŋ itnaŋaŋ ke tatndaingapmti yom mamnup. Kogok maminup-galen penaŋaŋ gakiki maaikndain.

<sup>6</sup> Yaŋgut nin alak gakimti kwitnaŋ kwitnaŋ mandatamkitik mimtazin ke Kawawaŋaŋ kwelet ndein. Mme Zuda amgalen zii zelaŋ ŋen ewe ku ndatam kitik mti tazin. Keyepmti alak nin mama mimi tapmnup kapi nin Emetak Teŋaŋ ndamukuleŋ mme mama mimi bekaŋaŋ katikpemti Kawawaŋaŋ mama mimi nâmtikŋaŋ mamin ke tapminup.

*Yomaŋ nâlen tususun Kawawaŋmagen tazin maantiin*

<sup>7</sup> Keyepmti am notnaŋaŋ zet ke nâmti kapigok mene tazeip, “Zii zet bekaŋaŋgat ŋotekŋaŋ.” Kegok zeip keyaŋgut nin kekok ŋep ku zenzeyelen. Zii zet ku tadak ze neŋ yomgat yaŋaŋ ku

weyaŋ nâmâtâbak. Zii zelaŋ kapigok mandiin-doin,

“Geŋ am ŋengalen kwitnaŋ kwitnaŋ ku kakim tiwanik.” *(Kisim Bek 20:17)*

Zet ke zii zelen ku tadak ze kwitnaŋ kwitnaŋ kakim titi keyet yaŋaŋ ku nâmbak.

<sup>8</sup> Yaŋgut bekaŋgaleŋ mama mimi ke zii zelaŋ mamaŋ bempeme, zii zelaŋ keŋnanen kwitnaŋ kwitnaŋ kakim titiyet ŋoktik omba penaŋ ma-mandain. Zii zet ku tadak benagen yom belakŋaŋ ŋenok benak.

<sup>9</sup> Neŋ eweŋaŋ zii zetpiŋ nânâpiŋ mambanen dolakŋaŋ penaŋ mam kwaban. Yaŋ bam neŋ zii zetgat yaŋaŋ nâmban kan keyet neŋ kakim titi ewan nâma yom beye. Kogok mme neŋ nâyap Kawawaŋgaleŋ zimosetnan neŋ a yomtoŋ beyap.

<sup>10</sup> Zii zelaŋ neŋ napmukulem mneme Kawawaŋmak mamayet zenzeŋaŋ ewanan zenzeŋaŋ keyet kataŋ ku mip egaŋ tususun Kawawaŋmagen tazinen antinep.

<sup>11</sup> Yom mimiyet tikŋaŋaŋ Kawawaŋgaleŋ zii zet myembumti natetineme wa penaŋ zemti yom mamiap. Kegok mme Kawawaŋaŋ zii zetnanen egalen set mâbâgaleŋ zenzeŋaŋ ke maŋgosoyap.

<sup>12</sup> Keyepmti nin pigok nânup, zii zet ikŋaŋ teŋ penaŋ ma Kawawaŋgaleŋ mama mimi kwep kwep nin mimiyet zein ke esemteŋ ma dolakŋaŋ penaŋ.

<sup>13</sup> Âpme zii zet dolakŋaŋ keyaŋ nâlen Kawawaŋmak tususun ku antineŋge. Kegok yek. Yomgaleŋ mamayaŋ ikŋaŋ nâlen Kawawaŋmagen tususun antim nemti mama mimi bekaŋaŋ ikŋak ikŋak keŋan towege.

Keyepmti yomgalen mama mimi keyañ zii zet dolakñañ pi mgilik zeme yom bekanañ penañ ke mamsokbemkawan bein. Egañ kwitnañ kwitnañ dolakñañ ke timti gakikiyet zapat neye.

*Bekanañañ sekñ sambe sulume delañ zeye*

<sup>14</sup> Nin pigok nânup, Kawawan ek zii zet keyet toñañ; yañgut neñ an msalengatnangapmti yomgalen mama mimiyañ naopeme tati egalen sisiliñ mulup mamiyap.

<sup>15</sup> Neñ mama mimin mamiyap keyet yañañ penañ ku manâmâtâlap. Neñ kwileki ñen mimiye-len penañ manâypap ke ku mamiap ma kwileki ñen maektalalap ke naman mamiyap.

<sup>16</sup> Mti mama mimi mgasik penañ manzeap ke mamiap. Kogok mti zii zelañ mama mimi ku mimiyet zenzenañ ke kuluyayet ñoktikñnan gwaenen nâyaen zii zet esemteñ elak ku mâti miya.

<sup>17</sup> Keyepmti neñ myuñgungu mimiyelen tikñañ ku nâypap keyañgut myuñgungu ke mamiyap. Kegok miawen ke nâgât keñnanen bekanañ mimiyet tikñañ ewe tatnain keyañ keññ tikok mpeme bekanañ mamiyap.

<sup>18</sup> Neñ pigok nâmâtâlap, nâgât keñnanen baen kwileki dolakñañ ñen ku tazin penañ. Neñ kwitnañ kwitnañ dolakñañ mimiyelen manembein ke ku mamiyap.

<sup>19</sup> Kwitnañ kwitnañ dolakñañ msâgât penañ mamiyap ke ku mamiyap. Ma kwitnañ kwitnañ bekanañ ku msât zemtingut naman ke mamiyap.

<sup>20</sup> Bekanañ ku msât zempemtingut mamiyap keyet yañañ kapigok. Ke nen mimiyet penañ



nâmti bekanan ke ku mamiyap. Yomgalen mama mimi kenñnan tazin keyan tikok mneme mamiyap.

<sup>21</sup> Keyepmti nenmagen mama mimi kapigok masokbein elak nâmâtâlap. Neñ mama mimi dolakñan msât manâyap yangut mama mimi bekananñ neñ napanpan mti mamtazin.

<sup>22</sup> Penan kenñnan baen Kawawanğalen zii zet keyet nâma tikñan penan mambein

<sup>23</sup> yangut yomgalen winde sekñ sambe sulunñi matazin. Kemak Kawawanğalen zii zetmak notn notn ku mti an âmalu manâyap. Mti bekananğalen winde sekñ sambe sulunñi matazin keyan nanğalañme egalen mka katikñan matalap.

<sup>24</sup> Neñ an kemberñ penan. Kwiyan sekñ gakikiyelen zapat kemberñ keyetnan gilik zemnapbe?

<sup>25</sup> Amobotnan Zisas Kilais etan sekñ gakikiyelen zapalengatnan kwaletneyeyepmti keyet Kawawanğat sesewatsayap. Nenn kenñnan penan Kawawanğalen zii zetnan gawepumti sisiliñ mulup mamsayap yangut ken itnananñ bekananğalen winde ke gawepumti sisiliñ mulup mamsain.

## 8

*Kilaisiyan yomengatnan gilik zemndatimti Emetak Ten daye*

<sup>1-2</sup> Emetak Tenan Zisas Kilaisiyan ningat yomgat gakimti mama alakñan aikndaye ke windenañmak beme ken itnananmak gakiki ninmagen ku kwakwagalen mulupman mam.

Kilais Zisasiyan yomgat dopman ke gakikiñanjan mutumti nin ekmak tusumndeyepmti Kawawañan nin ndikti zein, “In an ku zemindowan ma teziñ ñandangat zapat ku mambep.”

<sup>3</sup> Zii zet ke keññ itnañan keyañ windenjan mtopeme ninmagen mulup msâgât penañ olage. Zii zelañ nin ñep ku ndamukulem mgeyanğut Kawawañan nin ndamukulem msâgât set ñen ewe aikge. Iknangat Nemuñan penañ ke zem-peme am bekanañ mimi ningalen sek sindem timti bekanangat dopman gakiye.

<sup>4</sup> Kogok mgeyepm nin keñ itnañangalen mama mimieset mebegalen yek. Set alakñan Emetak Tenğalen set mâti zii zet gawepumti mama mimi teñ Kawawañan nâmtikñan mnen ke Emetak Tenñan keñnan mulup mme Kawawañgalen zii zet kegaset mamâtnup.

<sup>5</sup> Mama mimi itnañangalen seleset mamaip ekñengat ñoktikñin temañ ma mama mimiñin keñ itnañangalen mama mâti sekñinangat tikñan tazin ke etañ mamip. Ma Emetak Tenğalen seleset mamaip ekñen keñin otnânânin ma mama mimiñinan Kawawañan ekñenan mama mimiye-len nâmtikñan minen ke mamip.

<sup>6-7</sup> Emetak Tenğalen mama mimi ke mâti minuwen Kawawañmagengatnañ keñ sewakñan ma mama kanzizit ke maaikndain. Naman nembet kogogak keñ itnañangalen mama mimiye maotnâip keyañ Kawawañ kasa msamti Kawawañmagen tususunn tazin ke maelenğein. Mme Kawawañgalen zii zet ku mamâlíp. Eneyet ekñenmagen winde keboñ ke ñen ku tat indain.

<sup>8</sup> Am keŋ itnaŋaŋgalen seleset mamaip ekŋenaŋ Kawawaŋaŋ mama mimi mimiyet manâin ke ŋep ku mimiyelen.

<sup>9</sup> Yaŋgut nin keŋ itnaŋaŋgalen mama mimiyaŋ ku ndadamuŋ mme tatnup. Nin Emetak Teŋgalen kogogapmti Emetak Teŋaŋ ndadamuŋ mti ndap mme Kilais egalen zapat bemti Kilaisiyelen Emetak Tenanŋ ningat keŋŋnan matazin. An ŋen Kilaisiyelen Emetak Teŋpiŋ main beme ek Kilaisiyelen zapat ku main.

<sup>10</sup> Kogogapmti Kilais keŋŋnan tazinaŋgut sekŋ yom toŋaŋ kapi penaŋ gakiwe. Mme nan nâmamanaŋ Kilaismak mama kanzizit ke mep-mambe, eneyet Kawawaŋaŋ Kilaisiyet pembedaŋgat mti nin an teŋ manzein keyet penaŋaŋ.

<sup>11</sup> Âpme Kawawaŋ Zisas Kilais gakikiengatnan mme wage. Egaŋ kogogak in gakikiengatnaŋ mme wabep. Enenogat Emetak Teŋaŋ keŋinan bem indeyeyepmti egat Emetak Teŋaŋ am in gakikiŋaŋ ke kekok mme wabep.

*Emetak Teŋaŋ mme Kawawaŋgalen nemunambaŋane mambanup*

<sup>12</sup> Keyepmti notnne, nin mama mimi itnaŋaŋgalen set ku mâbâgalen.

<sup>13</sup> In mama mimi itnaŋanen mâti mambep beme in walelet aikbep. Ma in Emetak Teŋgalen mama mimi dolakŋaŋ mâti mambep beme keŋ itnaŋaŋgalen mama mimi mgasik ke kume gakiwe. In mama mimi katikŋaŋ ke timti kwesiŋ mamti mambep.

14 Am ekjen Kawawaŋgalen Emetak Teŋaŋ mama mimi dolakŋaŋ zeinen mâti mamip ekjen ke Kawawaŋgat nemunambaŋane.

15 Nin Kawawaŋgat nemunambaŋane ma egalen Emetak Teŋaŋ ninmagen tazin keyepmti nin keŋŋ itnaŋŋ sisiliŋ ku kumsasayelen ma Kawawaŋgat ku kiŋgagagalen. Nin “Kawawaŋgat Bipm,” kumti ekmagen nâmtalati mebegalen.

16 Nin Kawawaŋgat nemunambaŋane mamanup keŋ keyet nânâyet Emetak Teŋaŋ keŋnanen baenen zemkawaŋ mambemndein.

17 Nemunambaŋane mamanuwaŋ bam Kawawaŋgalen kwitnaŋ kwitnaŋ ke Kilaismak ninmak temakwep toŋaŋ bemti tiwanup. Ewan msalen pienen egaŋ sindem tiye keboŋagak nin sindem tiwanup ke epum timaneti Kawawaŋgalen mama ego egoŋaŋmak main ke nin keyegak mopmambanup.

*Bam nin mama ego egoŋaŋmak mambanup*

18 Bamgat nin mama ego egoŋaŋmak Kawawaŋ ikŋaŋmak mambanup kemak alak msalen kapi mamti sek sindem tatinup eget ke sepem kwep yek. Bamgat mama tiwanup keyaŋ sebempemti mobotnaŋ penaŋ bein.

19 Keyepmti kwitnaŋ kwitnaŋ sambe Kawawaŋaŋ zeme sokbembenaŋ ekŋengat webebeŋin temaŋ penaŋ tatindainen ekjen kan deyet nin Kawawaŋgat nemunambaŋaŋ mama ego egoŋaŋmak Kawawaŋ ikŋaŋmak mama ke ninmagen sokbembeyet nâpeŋ nâpeŋ talip.

<sup>20</sup> Kwitnaŋ kwitnaŋ sambe masambuin ma bekaŋaŋ mambemâzin ke ilinaŋgat yomgat mti kegok ku masokbemindain. Kawawaŋaŋaŋ iŋŋaŋ kegok sokbembeyet zempeye. Enenogat yomaŋ sokbeme keyepmti kegok mge. Yaŋgut ekŋen sindemen kwesiŋ kegok tatagat ku nâmindenderaŋ.

<sup>21</sup> Kwitnaŋ kwitnaŋ sambe Kawawaŋaŋaŋ mge ekŋenaŋ kegogak gakim walet mamip. Ke katikpemti nin Kawawaŋgat nemunambaŋane mama ego egoŋaŋmak Kawawaŋ iŋŋaŋmak tabanup keyen kotusumti mamayet webemtalip.

<sup>22</sup> Nin nânup kwitnaŋ kwitnaŋ Kawawaŋaŋaŋ mme sokbewien ekŋenaŋ kember palen mamti sek sindem temaŋ penaŋ imbiyaŋ namba ambesâti manâip sepem kegok tatnâip.

<sup>23</sup> Yaŋgut kwitnaŋ kwitnaŋ sambe Kawawaŋaŋaŋ mge ekŋenaŋ etaŋ kegok ku mamip. Nin Kawawaŋaŋaŋ Emetak Teŋ ndandaŋaŋaŋ keŋŋanaŋ tazin keyaŋ bamgat Kawawaŋaŋaŋ iŋŋaŋmak mamayet zeye keyet wembekat alaŋnok ndaye. Nin nemunambaŋane mamanup nin kogogak sek sindem timambe webe webe palen tapmanuwen wan kan keyet Kawawaŋaŋaŋ ningat sosok zemkawaŋaŋ bemndemti, “nemunambaŋane,” zewe keyet damaŋ mti tatnup. Mti kan keyet seŋŋaŋ gakikiyelen kapi mme alakŋaŋaŋ ku gakikiyelen ke ndawe.

<sup>24</sup> Kawawaŋaŋaŋ seŋŋaŋ alakŋaŋaŋ ku gakikiyelen ndasâgât zetik mge ma nemunambaŋane kwakwagat zetik mge ke alak kapigogat sosok ku mindame eknup yaŋgut ekŋen ke penaŋ enzililiŋaŋ tazin keyepmti nin ke titiyet nâmkinpemti webe webe palen mane eneyet kan denen ke ndan-

dayet zeye e ewe tazin kegogapmti ku ekti yangut nâmkijpepeen giŋgiŋ mti mamanup.

<sup>25</sup> Penañ sosok penaŋ ku masokbein yangut nin ewe webepen mamambanup.

<sup>26</sup> Ningalen webembe keyet mukulem mimiŋaŋ Emetak Teŋ Kawawaŋ ndaye keyet keŋnan tazin egaŋ ningalen nukŋaŋ keyet mukulem mimiyet ninmak keŋ sindem kwep nâmti egaŋ Kawawaŋgat nin giŋgiŋ nâmkijpem tatagat Kawawaŋ winderŋaŋben mandundum sain.

<sup>27</sup> Emetak Teŋ ek Kilaisiyelen am maŋge ekŋengalen nukŋaŋin nâmtazin ma Kawawaŋaŋ ekŋengat zigok mimindandayelen kogogak nâmtazin keyepmti keyet katnaŋ Kawawaŋaŋ indamukulem mimiyet mandunduin. Mme Kawawaŋ ek am keŋinaŋgat yaŋaŋ maekzinaŋ Emetak Teŋgalen dundundu ke manâin.

<sup>28</sup> Nin nâmtatnup am Kawawaŋ gogot mamsaip ma amŋene ikŋaŋgat zapat mamayet nâmbiliwet indenderŋaŋ ekŋenmagen nukŋaŋ sokbein beme Kawawaŋaŋ nukŋaŋ keyet keŋan mulup mme nukŋaŋ keyaŋ zigoset amŋene kemagen pembedaŋ sokbembeyelen mulupmaŋ mam.

<sup>29</sup> Nin nânup itnaŋaŋ Kawawaŋaŋ am Nemunaŋ Zisas nâmkijpewep ekŋen ke ombemindeme ikŋaŋgat beip. Mti am ekŋen ke mme ikŋaŋgat Nemunaŋaŋ mama mimi mge keyet katan mamip. Kogok mamip egaŋ dalin temaŋ beme ekŋenaŋ ipmeniŋane bemti mamambep.

<sup>30</sup> Kawawaŋ ek am ikŋaŋgat bembeyet ŋeŋaŋ nâmindemti ikŋaŋmak mamayet kumindatetime kobien. Egaŋ am ekŋen keyet zeye, “In an

teŋ,” zemindemti sekŋin alakŋaŋ gakikiyaŋ ku mme waleletgalen ego egoŋaŋmak keyaŋ elimiak indewe.

*Kawawaŋgalen aŋgalaŋ gogot ninmagen delaŋ zenzeŋaŋpiŋ wemti wembe*

<sup>31</sup> Zet zeya keyet penaŋaŋ ilak zet kapiyaŋ ma- maŋnok besâpm. Kawawaŋaŋ ninmageset tazin keyepmti an ŋenaŋ ningat tususu ekmagen tazin ke ku elenġem ndendeyelen.

<sup>32</sup> Kawawaŋaŋ ikŋaŋgat Nemuŋaŋ ningat ke- talasim ndaye. Kogogapm egat tusumti kwit- naŋ kwitnaŋ dolakŋaŋ ningat maman mukulem mimiyeleŋ ke eyo ndawe.

<sup>33</sup> Kawawaŋaŋ nin ikŋaŋgat bembeyet nâmti kumndatimti ikŋaŋgak ke an teŋ manzemndein keyepm nin Kawawaŋgat zikatnan zelen ku tata- galen.

<sup>34</sup> Kilais Zisasiyaŋ ningat gakiye keyepmti an ŋenaŋ Kawawaŋmagen nin an bekaŋaŋ ŋep ku zemti zemndondoyelen. Kilais ek gakikiengatan wageyaŋ alak pigogat kwizet buŋamŋaŋmak Kawawaŋgat betnaŋ penaset tati nin ndamukulem mimiyeŋ mandunduin.

<sup>35</sup> Kawawaŋgalen gogot Kilaisiyaŋ ningat mti msokbeye keyet keŋaŋ tapmann kwitnaŋ kwit- naŋ ŋenaŋ ŋep ku ndamenzemndabe:

Nukŋaŋ ikŋak ikŋak msalen nin mtotndendeye- len tazin keyaŋ

ma sekŋ sindemaŋ keŋ nukŋaŋ palen ma- mayaŋ matim kozin keyaŋ

ma nâmkŋipepenŋaŋgapm sisipeŋpeŋ mindanda keyaŋ

ma meuyet kamben palen mama keyan  
 ma olat olat palen mama keyan  
 ma kwileki bekanan nenan ndawaletsâgât  
 mbeyan

ma an nenan ndome gakiwanup keyan  
 ma kwitnan kwitnan eknen kebonan Kilaisiyelen  
 gogolen nep ku ndamenzemndabe.

<sup>36</sup> Kawawangalen Zet Zapat Itnananen zet nen  
 pigok zein keyet katan kwitnan kwitnan ma-  
 sokbemndain.

“Nin gâलगapmti kan katan omba penan man-  
 dawalet kwalip. Eknenan nin ndikme sip-  
 sip maindoip kebon beme mandawalelip.”

*(Sam 44:22)*

<sup>37</sup> Yangut kwitnan kwitnan kebonan Kilaisiyelen  
 gogolen nep ku menzemndenak. Nin Zisas  
 iknanmak tatnup kegogapm kwitnan kwitnan  
 kebonan mtot ndesâgât mnangut iknan  
 ndamukulem mme windemben tati nuknan  
 eknen keyelen windenin kumann topme nin  
 windennben matatnup.

<sup>38-39</sup> Keyepmti nen kapigok nâmkatikpeyap, mama  
 ma winde notnan kapi kusowap eknenan Ki-  
 laisiyelen gogolen nep ku menzem ndadagalen.

Gakiki keyan  
 ma mama alak talap kapiyelen nuknan notnan  
 keyan

ma ensel windenanben nenan nep ku menzem  
 ndadagalen

ma we nombeyan nin mtot ndesât mamip eknen  
 kegogak

ma kwitnan kwitnan notnan alak tapminup  
 kapiyan



ma bam kwitnaŋ kwitnaŋ ninmagen sokbewe  
 keyaŋ  
 ma kwitnaŋ kwitnaŋ windaŋaŋbeŋ nin  
 ndawaleetgalen talip zeip keyaŋ  
 ma mundum gwaenen ŋen mot enzililiyelen  
 nânik keyet  
 ma mundum ŋen msat keŋaŋ towet enzililiyelen  
 nânik keyaŋ  
 ma kwitnaŋ kwitnaŋ Kawawaŋaŋ msokbeye  
 keyaŋ Kawawaŋgalen aŋgalaŋ gogotnaŋgatnaŋ  
 ŋen ku menzem ndadagalen. Kawawaŋaŋ  
 aŋgalaŋ gogotnaŋ keyet penaŋaŋ Amobotnaŋ  
 Kilais Zisas ikŋaŋgat Nemuŋaŋ nâmpeme ningat  
 mti gakiye.

## 9

### *Pâlaŋ Zuda am notnane indikti ekŋengat kem- ben mimindeye*

<sup>1</sup> Emetak Teŋaŋ keŋnanen zet zesowap kapiyet mopmaŋbemti mkawaŋ beme nâmti ingat keyegak zemkawaŋ bemindasowap. Neŋ Kilaisiyelen an keyepm zet zesowap kapi dâsuki yek; penaŋ sukwep.

<sup>2</sup> Kilaismagen notnne, ingat kemben temaŋ penaŋ mti kan kataŋ keŋnan sindem penaŋ mambein.

<sup>3</sup> Zuda am notnne sip kwep ekŋenaŋ Kilais nâmkijpepeyelen nâmti keyet sepaloŋaŋ nâgât palen Kawawaŋaŋ nukŋaŋ ŋen nanak mme keyet palengatnaŋ indamandame kosâgât nânak beme kegok ŋep mnanak.

<sup>4</sup> Nin Islael am manje Kawawaŋaŋ iŋaŋ nemunambaŋane ndatimti iŋaŋgalen busatnaŋ sanje soŋgaŋaŋmak yeŋsokŋne kemak ndat kopme ekbien. Mti Kawawaŋaŋ ekŋenmak zet zemtâtâyet nâmti zii zetnaŋ indame ekŋenaŋ ek etaŋ sesewatpepeyet zemindemti ekŋen indamukulem mimiyet iŋaŋgalen buŋam zet zetik mimindame mmambien.

<sup>5</sup> Ningat yeŋ sokŋine baenen mamkwabienen Kawawaŋgalen am manje katikŋaŋen ma ekŋen ke ningat yeŋsokŋne mamkwapme Zisas Kilais sokbeye ek ningalen sip butnaŋ. Yaŋ ke etaŋ yek. Ek kogogak Kawawaŋgat nemuŋaŋ kwitnaŋ kwitnaŋ sambe keyet amobotnaŋin tazin keyet nin Kawawaŋgat kwizet buŋamaŋ mwati kan katan masesewatpemamambanup. Ke penaŋ.

<sup>6</sup> Zuda am notnaŋ ekŋenaŋ Kilais ku nâmkŋipeipgapmti kapigok ŋep ku zewiek, “Kawawaŋ Abalaamak zetik mge ke penaŋepiŋ beye.”

Kegok ku zenzeyelen. Eneyet Islael an penaŋ mama ke ekŋengalen siwenn sokbembe ke yek. Am Kawawaŋ nâmkŋipeip ekŋenaŋ Islael manje penaŋ beip.

<sup>7</sup> Abalaamgalen sip butnaŋ sambe yangut ekŋen sambe keyaŋ Kawawaŋgalen zetik Abalaam mp-eye keyet toŋaŋ ku bemâpbien. Am Kawawaŋaŋ zetik keyet toŋaŋ bembeyet ombemindeye ekŋen keyaŋ etaŋ Abalaamgat sipmaŋ butnaŋ bewien, “Aisakgalen nembayaŋ gâgât sokdine penaŋ bewep.”

<sup>8</sup> Zet zeya keyet yaŋaŋ kapigok, nemba Abalaamgat iŋsokŋane zeip ekŋen ilindiŋ Kawawaŋgalen

am ku beip. Nemba Kawawaŋaŋ Abalaamgat nembane bembeyet zetik mti ombemindeye ekŋen keyaŋ Abalaamgat inŋokŋane penaŋ beip. Zetik penaŋaŋ nembandi an Selamagen sokbemgawe kemagen sokbewe Ismael imbindaŋgalen sisiliŋ imbi keyelen nemba yek.

<sup>9</sup> Zetik kapigok mŋaŋaŋaŋ,

“Nup kan sakaŋaŋ kangwayet eyoŋga sepem kwep kapigok neŋ koti Sela imbindi m elen belan mpema nemba kambakmak tabe ke nemba an sokbemgawe.” *(Sokbembe 18:10)*

<sup>10</sup> Zet tusumti ewe kapigok zewi. Sip kwep ilinmagen muluwaŋ mamanan ŋen kapigok sokbeme Kawawaŋgalen zetik penaŋaŋmak beye. Lebekamagen sepem kapigok sokbeye. Egaŋ yeŋsokŋin Aisakmak mamti nemba pepet sokbewun.

<sup>11-12</sup> Âpme nemba zut keyaŋ ewe ku sokbemti bekaŋaŋ ma pembenan keyet yaŋaŋ nânâpiŋ tapmalu Kawawaŋaŋ mamidaŋgat kapigok zeye, “Datnaŋaŋ meniŋaŋgat sisiliŋ mulup mbe.” *(Sokbembe 25:23)*

Kawawaŋaŋ ikaŋaŋ zetnaŋ katikaŋaŋ bembeyet nâŋge keyet kataŋ nemba kwep ombempeyeyaŋ ikaŋaŋgalen zet ke penaŋaŋmak bembeyet kegok mge. Nemba ikaŋaŋgat pembenanŋat yek.

<sup>13</sup> Kawawaŋgalen Zet Itnaŋanen zet keyet kapigok zenzeŋaŋ,

“Neŋ Zekop nâmtikaŋaŋ mti ombempewan. Âpme Isâ yek.” *(Malakai 1:2-3)*

<sup>14</sup> Am notnaŋaŋ zet ke nâmti kapigok mene

zewiek, “Kawawaŋaŋ egatmagen mulup teŋ pe-  
naŋ ku mge.” Zet kekok ŋep ku zenzeyelen.

<sup>15</sup> Kawawaŋaŋ Mosesiyet zet pigok dunduye,

“Neŋ an ŋen aŋgalaŋ gogot mpeŋâgât nâmti ŋep  
aŋgalaŋ gogot mpewap. Ma ŋen keŋ taolet  
msasâti ŋep msawap.” *(Kisim Bek 33:19)*

<sup>16</sup> Keyepmti amgat windenŋin ma ekŋengat mama  
mimiŋ dolakŋaŋ mme keyepm Kawawaŋgat  
keŋaŋ ekŋengat beme ku mam. Kawawaŋ am  
ikŋaŋgat bembeyet maombemendein ke aŋgalaŋ  
gogot nânâŋak mam.

<sup>17</sup> Kawawaŋgalaŋ Zet Itnaŋanen Kawawaŋaŋ  
Palaoyet zet pigok dunduye,

“Neŋ geŋmagen kwitnaŋ kwitnaŋ mgawap  
keyaŋ nâlen winde msokbeme kwizet  
buŋamnaŋ msat katanŋ mebet kopme  
nâmbep.” *(Kisim Bek 9:16)*

<sup>18</sup> Keyepmti Kawawaŋgat yaŋaŋ kapigok nânup,  
“Ek an ŋen aŋgalaŋ gogot mpepeyete nâmti ŋep  
aŋgalaŋ gogot mpein. Ma ŋen zetnaŋ ku nâme  
ikŋaŋgalaŋ keŋ ke mâti nâmpeme keŋin katikŋaŋ  
beme mamaip.”

<sup>19</sup> Geŋ nâgât zet zeya kangwayet kapigok mene  
yaŋkwesiwek, “Kawawaŋaŋ nâmneme keŋin katik  
mmaya keyet naman kwilekiyet Kawawaŋaŋ  
mama keyet zem nonoyelen? Egaŋ nâmneme  
keŋin katik mmaya, e?”

<sup>20</sup> Amnaŋ kwilekidangaŋat Kawawaŋgat  
zetnaŋgat zet mobotnaŋ msamti zewanik?  
Menzimaŋ zigoset an weyaŋge egat pigok  
zewe. “Geŋ zigogapm sepem kaboŋ kapi  
naweyaŋbanan?”

21 Neŋ zet zesowap kapiyet in neŋmak keŋ kwep beseip e nâŋap. An menzim tosi weyayan egaŋ ampambet sakam kwep mti menzim ŋen weyaŋsât nân beme egaŋ menzim ziboŋ ma ziboŋ weyaŋsât nâp ke weyaŋep. Menzim tosi mobotnaŋ ŋen weyaŋep ma menzim ŋen kan katanŋ meu timbumbuyelen weyaŋep ilak an weyaŋep egat betnan tazin.

22-23 Neŋ bemzenze zet an menzim maweyaŋzingat palen bemzeya e nin Kawawaŋaŋ ammagen mulupmaŋ mam keyet yaŋaŋ nânâŋyet nâmti zeya. An menzim weyayaŋaŋ ikŋaŋgat keŋaŋgat nânâŋak menzim ziboŋ ma ziboŋ weyaŋzin keyet katanŋ Kawawaŋaŋ ikŋaŋgat keŋaŋgalak Zuda am ma am Zuda maŋgeen ku sokbembenjaŋ nânâŋak kwitnaŋ ŋen mimindasâgât mamindan. Kawawaŋaŋ Zuda am ekŋengat nâmti kan teepmaŋ indame ekŋenaŋ yom mti Kawawaŋaŋgat ku otnâme keyaŋ Kawawaŋaŋ am Zuda maŋge ku sokbembenjaŋ egalen ŋenzinziŋ ke eekgalen nâmti Zuda am ketalat indeme walelet aiikgalen nâŋge. Mti naman am maŋge ŋen ekŋenmagen Kawawaŋaŋ muluwaŋ mamananŋ sepem ikŋak notnaŋ mgeen ke aŋgalaŋ gogotnaŋ beke eekgalen mge. Ekŋen kegok mimindayeen ekŋenaŋ Kawawaŋmak mama ego egoŋaŋmak Kawawaŋ ikŋaŋmak mamayet nâŋge ke eweŋan baen nâmbiliwapme weŋge.

24 Kogogapmti Zuda am nin etaŋ Kawawaŋaŋ aŋgalaŋ gogotnaŋ mamayet ku ombemndeyet am Zuda maŋgeen ku sokbembenjaŋ ekŋen kogogak

egalen anġalan ġogolen mamayet ombemindeye.

<sup>25</sup> Keyet ġolan ġenze an Osiayan Ġawawanġalen zet nġen kapigok zeye,

“Am maġġe ku indatiwen eknġen nâlen am maġġe keġok zemindeyap. Ma am maġġe ke nġen ġogot ku mimindawan eknġen ke nġen ġogot mimindamti, ‘Nembanne,’ zewap.” (*Hosea 2:23*)

<sup>26</sup> Ma Ġawawanġan ġogogak Osiayet zet nġen kapigok zeye,

“In nâlen am yek zenzenanġut in am msat kainde mamaip in amnan, ‘Ġawawanġat nemunambannane,’ zemindewep.” (*Hosea 1:10*)

<sup>27</sup> Mti Aizaya eġan Islael eknġengat yayan mti kapigok zeye,

“Islael egalen aliknġane tu ġanzenan nelum ġambibik tazin keyet katan sokbesâġât nâmti nġep sokbewewanġut Ġawawanġan keyet keġanen maġġe isiknġan buġan indatiwe.

<sup>28</sup> Amobotnanġalen bimbim zetnanġan penanġan msalen muwan memendepmak mme penanġanmak bemâpbe.” (*Aizaya 10:22-23*)

<sup>29</sup> Aizayayan itnanġan zet nġen kapigok zeye,

“Kululuġengalen an kasa kuku maġġe teman eknġengalen Amobotnanġan ninmagenganġan am notnan nġen ku katikindeme tabiek ze Sodom ma Ġomola mkaenganġan am eġegalen sepem penan bewenek.” (*Aizaya 1:9*)

*Islael am eknġenan mama mimi ten penan mamayet olapme beeye*

<sup>30</sup> Keyepmti nen zet kapigok zemdelan zesowap, am Zuda mangeen ku sokbembenan eknenan kopa mame Kawawanhalen zelan koindaikme ken gilik zenze sakwep aikbien eneyet yominangat ekme nuknan beme Kawawanmagen namkinpemt Zisas Kilais ek ekngat mti gakiye e namkinpewien.

<sup>31</sup> Apme Israe am eknenan Kawawanan indikme an ten kwakwatgalen setnan zii zet etan gawepumti mama manamtemienangut Kawawanan an nenan set kegaset mamanti egalen am ku bembeyelen zeye.

<sup>32</sup> Ke yanang kwilekiyet kegok mbien? Eknenan namkinpepenin Zisasmagen ku bemti zii zet etan gawepumti an ten kwabanup manamtemien. Mti nanan selen tazin eknenan ekti sebempemti mebegalen Kawawanan peme koti ekngat yomgat gakiye ke ku namkinpemt Kilaisyan ekngalen nanan selen ulugaluk tapme ku namkinpepgapmti ime uluk zeme topmaindon.

<sup>33</sup> Kawawanhalen Zet Itnanane pigok zein,  
 “Nâip, nen Saion Kalanan nanan ulugaluk ke am ime uluk peme indawaleletgalen katan namti beyap. Apme an nenan Zisas nanan ulugaluk nembon ke namkinpewe an ke Zisasiyan ku bankumpewe.” (*Aizaya 8:14; 28:16*)

## 10

*Israe am eknenan Kawawanhalen mama mimi ten penan ke ku tiwien*

<sup>1</sup> Kilaismagen notnne, neŋ Kawawaŋaŋ Islael amŋane ewe keŋin gilik zeme indatitiyet kembeŋ nâmti kan kataŋ Kawawaŋgat mandundum sayap.

<sup>2</sup> Ekŋenaŋ Kawawaŋ sisiliŋ msasayet windenŋin tazin ke maindikgapgapmti kegok zeyap, yaŋgut ekŋenaŋ Kawawaŋaŋ ekmagen kokogat set nâŋge ke ku mamâlip.

<sup>3</sup> Ekŋenaŋ Kawawaŋmagen meti yompiŋ be-mbe keyet setnaŋ makandalip. Keyepmti ilinagak dolakŋaŋ bembeyet mulupmaŋ mti ekŋenaŋ Kawawaŋ am indamukulem mme teŋ makwalip an ke mabamkumpeip.

<sup>4</sup> Kilais egaŋ zii zet amnaŋ zii zet gawepumti teŋ kwabanup nâmti mulup mamip keyet ŋoktik kume totogat koge. Kegok mti am indamukulem mme Kawawaŋ nâmkipemti an teŋ kwakwa-galen setnaŋ beye.

*Kawawaŋaŋ am sambe gilik zemndatitiyet manâin*

<sup>5</sup> Zii zet gawepumti mama keyet Moses egaŋ zet pigok kuye,

“An ŋen zii zetgalen set mâpme delaŋ zenak beme egaŋ mama kanzizit keeset tinak.” (*Wok Pris 18:5*)

<sup>6</sup> Ma Mosesiyaŋ zet ŋen amnaŋ nâmkipemti teŋ bembeyelen keyet zet pigok zeye,

“An ŋenaŋ kululuŋen ku moti Kilais wat topme amnaŋ teŋ bembeyelen zetnaŋ diindondoyelen mowatobe.”



7 Ma am nenan Kilais gakikiengatnaŋ towakwapme amnaŋ teŋ bembeyelen keyet zetnaŋ diindowe,

“Kogok ku mimiyelen enenogat Kilais ilak kululuŋengatnaŋ toti gakimti wage.”

8 Keyepmti Kawawaŋgalen Zet Itnananen meluwaŋ kapigok kukuŋaŋ tazin,

“Kawawaŋaŋ am mme teŋ bembeyelen keyet buŋam zapatnaŋ enzililiŋaŋ yek; sokŋaŋ tazin. Ke zikalinan mama kuip mti keŋinan ke nâmkĩŋpepeyelen ma dembusekŋinan zet keyet zenâ zenâ tunŋuwinan mimiyelen.”

*(Zii Zet 30:11-14)*

Ke zet nin nâmkĩŋpepeen timet ndendeyelen zet.

9 Keyepmti zet zenzeŋinan, “Zisas ek Amobotnaŋ,” ke zemkawaŋ bewep. Ma Kawawaŋaŋ Zisas mme wage keyelen zet keŋinan nâmkĩŋpemeŋgut Kawawaŋaŋ ingat, “An teŋ,” zemindemti mme ikŋaŋgat nambaŋaŋ bewep.

10 Keŋin penaŋaŋ Zisas nâmkĩŋpewewen an teŋ bewep. Ma dembusekŋinan Zisas Kawawaŋaŋ An in mukulem mimiyet peme toti indage kogok zemkawaŋ bewewen in an teŋ talip bein.

11 Keyepmti Kawawaŋgalen Zet Itnananen kapigok meluwaŋ kukuŋaŋ,

“An Zisas nâmkĩŋpewe an ke Zisasiyaŋ ku bankumpewe.”

*(Aizaya 28:16)*

12 Kogogapm am sambe nin zet keyet kandaŋan tapmann delaŋ zein. Zuda am ma Glik am ekŋen sepem igak igak penaŋ ku beip. Zisas kwep etaŋaŋ ningat Amobotnaŋ temakwep mamamndain. Mti am nenan egaŋ mukulem mimin-

dendeyelen nâmti mandundum saip ekñen taolet mamindain.

<sup>13</sup> Zet ke Kawawaŋgalen Zet Itnaŋaŋaŋ bandim mti pigok zenzeŋaŋ,

“Am ŋenaŋ Amobotnaŋaŋ yomaŋ katikpepeyelen dundum sawe beme an ke yomaŋ katikpewe.” *(Zoel 2:32)*

<sup>14</sup> Ekñenaŋ Amobotnaŋ Zisas ku nâmkĩŋpeip keyaŋ zeinen ekñenaŋ egaŋ yomin peme mebegat ku mandundum saip. Mti nan ekñenaŋ Kawawaŋ zetnaŋ ku nâmbien benak beme zigoset egat nâmkĩŋpewiek? Ma an ŋenaŋ Zet Zapat Dolakñaŋ Penaŋ ke timti ku met diindonak beme zet ke zigok nâmbiek?

<sup>15</sup> Ma am ŋenaŋ buŋam zet mmebegalen an ŋen ku indeme mebiek benak beme buŋam zet ke zigok nâmbiek? Kawawaŋgalen Zet Itnaŋanen kapigok meluwaŋ mimiŋaŋ tazin,

“Am Kawawaŋgalen Zet Zapat Dolakñaŋ Penaŋ Nemunaŋ ningat Amobotnaŋ nin ndamukulem mimiyet peme toge an zet ke timti ninmagen kobien ekñen keyaŋ muluwaŋ pembenañ penaŋ mip.” *(Aizaya 52:7)*

*Islael am Zet Zapat Dolakñaŋ Penanŋalen mama mimi dolakñaŋ ku mâbien*

<sup>16</sup> Zet Zapat Dolakñaŋ Penaŋ am sambe ilinsakwep penaŋ ku gawepuwien keyepmti golaŋ zenze an Aizayayaŋ pigok zeye,

“Amobotnaŋ buŋam zapat zemkawaŋ bembenaŋ an ke am sambeyaŋ ku nâmkĩŋpewien.” *(Aizaya 53:1)*

17 Keyepmti nin kapigok nânup, Zet Zapat Dolakñaŋ Penañ zemkawaŋ beme nânup keesetgatnaŋ nâmkinpepe maaikndain. Ma nan am ekñen keyañ Zet Zapat Dolakñaŋ Penañ Kawawaŋaŋ Kilais ningapmti peme toti gakimti ndage zet ke zemkawaŋ beme nin nânup am ekñen ke Kawawaŋaŋ zemindeme ninmagen kobien.

18 Yanğut notnaŋaŋ in kapigok mene nâgât zesâip, ekñenaŋ Kawawaŋgalen Zet Zapat Dolakñaŋ Penañ Zisas Kilaisiyet zein ku nâmbien. Ke penañ yek. Sam Kawawaŋgalen Zet Itnaŋanen zet ñen kapigok tazin,

“Msat sambe buŋam zapat timti zempalakñaŋ bemepme amnaŋ nâme delaŋ zemâge. Buŋam zapat keyañ msat ilindiŋ bemisikti msat beŋan eyo mepme kopmâge.” (*Sam 19:4*)

19 Yanğut ewe tusumti yaŋkwesisowaŋ, “Israel am ekñenaŋ zet kapi ku nâip ma zigok?” Kegok yek. Ekñenaŋ zet kapi nâmtalip. Neŋaŋ Mosesiyaŋ zet pigok kuye ke zemkawaŋ bewi,

“Neŋ am Zuda maŋgeen ku sokbembenaŋ indatima ekñenaŋ nen nâmkinpem neme ekñengat dolakñaŋ nâmindema in ke egomti nâmbekam bemnembep. Neŋ am ekñen nânâŋinpiŋ indatima in keyet nâmbekam bemti ñenzinziŋ mbep.” (*Zii Zet 32:21*)

20 Naman bam Aizayayaŋ kiŋgagapiŋ zet windenaŋbeŋ kapigok zeye,

“Am Zuda maŋgeen ku sokbembenaŋ nâgât ku natimamat mulup mbienanğut ekñenaŋ

nâmkinpemnewien. Am nâgât zem timapmapin mambien ekñenmagen sosok sokbemindawan.” *(Aizaya 65:1)*

<sup>21</sup> Mti Aizayaan̄ Islael am ekñengat zet pigok meluwan̄ mge,

“Neñ am zet kululu ma zet gaipupun̄in yek ekñengat kan teepman̄ neñmagen gilik ze kokogalen damun̄ tati bet talalan̄ mimin-damti matalap.” *(Aizaya 65:2)*

## 11

### *Kawawan̄an̄ Zuda am keñ taolet mimindasâpm*

<sup>1</sup> Kawawan̄an̄ Islael am ekñengat keñan̄an̄ zigok manân̄in keyet zetnan̄ kapi zesowap. Kawawan̄an̄ amñene ku bankumindeye. Kawawan̄an̄ ekñen ku katimindeye. Yek penan̄. Neñ kegogak Islael an mamayap. Neñ Abalaamgat in̄an̄ ma nâgât yan̄n̄ omâtâbagen met Benzamin am man̄ge kemagen patan̄ zenak.

<sup>2</sup> Kawawan̄an̄ amñene ombemindemti indatiye ke ku kandat indeye. In Ilaizayet Kawawan̄galen Zet Itnan̄anen zet zapatnan̄ tazin ke in makumti manâip. Ilaiza egan̄ Islael am ekñengat ñenzin̄in̄ nâmindemti Kawawan̄gat pigok dunduye,

<sup>3</sup> “Amobotnan̄, ekñenan̄ golan̄ zenze andine indom walet mti sâpe sâpe bumbu mundumdi kume epeem temege. Âpme pi neñ nenak mama kegogak nosâgât tazeip.”

<sup>4</sup> Kogogapm Kawawan̄an̄ zet dopman̄ kapigok dunduye,

“Geŋ kwep yek. Neŋ am 7,000 indaangalanŋma nopiom Bal ku sesewatsamti tapmaip.” (1 *Kiŋ 19*)

<sup>5</sup> Âpme kan pigogak Kawawaŋaŋ Israeŋ am isikŋaŋ bugan keŋ taoletnaŋgapmti angalanŋ ndeme mamanup.

<sup>6</sup> Nnaŋgat mulupgat dopmaŋgapm ku ndatiye. Egaŋ keŋ taoletnaŋgapmti ndatiye. Nin nnaŋgat mulupnnaŋgat dopmaŋ zewenek beme Kawawaŋalen keŋ taolet ke penaŋepiŋ benak.

<sup>7</sup> Keyepmti nin kapigok ŋep zenzeyelen, Israeŋ am ekŋenaŋ Kawawaŋmak teŋ mamanup nâmbienangut Kawawaŋaŋ indikme ekŋenaŋ teŋ mama ke titiyet tim yape yape mbien. Indamakum titiŋaŋ ekŋenaŋ etaŋ teŋ mama ke aikbien. Notnaŋ sambeyaŋ Zisas ku manâmkŋiŋpeip kegoŋgapmti ekŋen keŋin katikŋaŋ beme maip.

<sup>8</sup> Kogok sokbemindayelen Kawawaŋalen Zet Itanaŋanen pigok zein,

“Kawawaŋaŋ keŋin myuŋgum indeme zikalin taegiwaŋgut mme beŋaŋnok bewe. Ma wakŋin tatnâiwaŋgut bekekeŋaŋnok bewe. Kegoŋ mimindame mambienang ewe mamamkwalip.” (*Zii Zet 29:4; Aizaya 29:10*)

<sup>9</sup> Naman Dewilaŋ kegoŋgak Kawawaŋgat pigok dunduye,

“Israeŋ am ekŋenaŋ Kawawaŋaŋ ningat nâmtikŋaŋ mamm nânâ manâip keyaŋ ilinaŋgat ankapipilinok beme ŋoktikŋin nâip keyet penaŋaŋ ku msokbeme keyaŋ indowe. Ma nin Kawawaŋalen zii zet

timama tonan manâip keyan ankapipit  
 nandolopman songom bimane tim tapme  
 gakisât mammnok nânânjin keyan  
 nuknanjin beme bekananġat dopman  
 mutumindawe.

<sup>10</sup> Eknen zikalin beņanok beme nep ku  
 ekmâtâbep. Âpme geņ Kawawan nuknan  
 indawanik keyan bisekaselin mututunanok  
 bewe keyan kwesiņ matamambe.”

Dewilan Kawawanġat kogok dunduye. (*Sam*  
*69:22-23*)

*Kawawanġan Zuda am manġeen ku sokbem-  
 beņan indatiye*

<sup>11</sup> Keyepmti nin keņnan pigok ku nâmbanup,  
 Kawawan ek ilak amņane Zuda nanzan  
 ulugaluk selen amnan ekti sebempepeyelen  
 ke imti toindome eġan ekņengat keņan teenan  
 beye. Yegat. Kawawan egok mnen am Zuda  
 manġeen ku sokbembeņan ekņenan Kawawan  
 nâmkiņpepeyelen nâmti kan tusemindain.  
 Kawawanġan keġok mme Zuda am ekņenan ke  
 ekti keņin walatme Kawawaninmak mamayet  
 tiknanjin sokbemindame kot ekmak tusumti  
 mambep.

<sup>12</sup> Zuda am ekņenan nanzan ulugaluk am-  
 nan ekseseyet Kawawanġan bempye ke ekti ime  
 ulukpeme toindoye. Kan keyet Kawawanġan am  
 msat sambe ekņenan Kawawanġalen Zet Zapat  
 Dolaknan Penan keyan koindaikme nâmkiņpepe  
 aikbien. Yanġut nâmbak, Zuda am ekņenan  
 gilik zemti Kawawanġalen Zet Zapat Dolaknan  
 Penan ke eknâmti nâmkiņpepe aikbep beme keyet

palanenen am nin sambemagen Kawawanmak mama eyan lembimti wembe.

<sup>13</sup> Am Zuda mangeen ku sokbembenan ingat zet kapi diindoma nait. Neñ ingalen an Kawawangalen Zet Zapat Dolaknan Penan timamayet an ombem neñge keyet nama mobotnan penan bein. Kogogapmti neñ Kawawanan inmagen Zet Zapat Dolaknan Penan ke diindondoyet zemneme takum indayap.

<sup>14</sup> In Zet Zapat Dolaknan Penan diindoma keeset mene nanangot sipm butnanne kenjin punpun mme yomin ekme topme Kawawanan gilik zemindatitiyelen dundum sawep.

<sup>15</sup> Kawawanan Zuda am katikindeye kan keyet egan msat katan am sambe indatime ekmak ken kwep bembeyet namti mge. Ya bangat Zuda am eknenan Kawawananmagen gilik zemkopme indatiwe beme eknenan gakikiengatnan walip sepem kekok bewe.

<sup>16</sup> Abalaamak Aisakmak Zekop eknen Kawawanan iknanngat anene zemindeye keyepmti am mange eknenmagengatnan sokbembenan Zuda am eknen kogogak Kawawangat amnane beip. Enenogat am eknen kapiyet yanin Kawawanan iknan yanbemti ombemindeye ke tep tengat yanannok beip. Mme tepgat betnanne kekokak ten mama ke tiip.

<sup>17</sup> Apme Kawawanan olip tep betnan notnan elengem time mege. Zuda am kogok miindemti in olip zupmanngat betnan antim olip tep noteknan kwep keyet kot tusumindeye. Apme in Zuda mangeen ku sokbembenan in olip zupmanngat

betnaŋ keyaŋ kot tepgat tunjaŋ pembenajaŋ in tim nimti pembenajaŋ tapmaip.

<sup>18</sup> In olip zupmaŋgat betnaŋ in olip penangat betnaŋ etum towewenaŋ eknengat nâmindeme tototnaŋ ku beme ilinaŋgat sekriŋ ku mmobep. Kegok mamip beme pigok nâit, tewaŋ tu meunaŋ betnasetgatnaŋ koti kindinaŋen kumapelaŋguin yek. Kindinaŋsetgatnaŋ kwati sinaŋ betnaŋ mapelaŋguin.

<sup>19</sup> Neŋ kekok zema in nembetnaŋ kapigok mene zewiek, “Kawawaŋaŋ nin tusumndesâgât nâmti betnaŋ itnaŋaŋ antu time mepmâge.”

<sup>20</sup> Ke ŋep zeip yaŋgut Zuda am eknjen ke tati nâmkijpepe ku aikbiengapmti antum indenti eknengat munduminan in nâmkijpepe aikbien keyepmti tusumindeme talip. Keyepmti in ilinaŋgat sekriŋ mmobopiŋ mamti eksewep.

<sup>21</sup> Kawawaŋaŋ olip betnaŋ penaŋ ku aŋgalaŋ indeye. Âpme in olip zupmaŋgat betnaŋaŋ in mobotnaŋ mbewen in Kawawaŋaŋ kekokak tususunjin ekmagen tazin ke elenjem indewe.

<sup>22</sup> In Kawawaŋgat yaŋaŋ penaŋ ku nâmatâlip. Egaŋ am keŋ taolet mamimindainen bakbak palen mamin. Ma am ŋen kasa mimindasâti bewelep kwisak palen mamimindain. Am Kawawaŋgalen mama mimi ku mamâlip eknengat kasa mamiminden ma in nâmkijpewien keyepmti in bakbak mimindeme tapmaip keyepmti Kawawaŋgalen mama mim eksemti mmambep. Kogok ku mbep beme egaŋ ingat zewe, “Neŋ in ku nâmindeyap.”

<sup>23</sup> Âpme betnaŋ itnaŋaŋ atum time mebet-



naŋ ekŋenaŋ keŋ katik penaŋ ku tabep ma Kawawaŋmagen gilik zemti nâmkĩnpewep beme egaŋ indatimti tsum indesât ñep tsumindewe.

<sup>24</sup> Kegogapmti in olip zupmaŋgat betnaŋ mti olip mtawenaŋgat palen tsumindeye kegogak Kawawaŋaŋ olip mtawenaŋgat betnaŋ elenġempeye ke ewe mkwat tsumpesât nâmbे beme sewak mkwat tsumindewe enenogat olip yaŋaŋ e olip mtawenaŋ.

*Kawawaŋaŋ am sambe keŋ taolet mamimindain*

<sup>25</sup> In ilinaŋgalen nânâen tusumti manâmyuŋgupgam Kawawaŋaŋ Zuda am ekŋengat nâmbiliwepme tazin ke zemkawaŋ bema in am Zuda maŋgeen ku sokbembenaŋ in kapigok nâit. Ekŋenaŋ Kawawaŋ bamkumpewien kan keyet in Zuda maŋgeen ku sokbembenaŋ in sambe ke Kawawaŋaŋ ombem indeme koti Kawawaŋ nâmkĩnpepeyet indame tapmaip keyet sekŋin mmobopiŋ.

<sup>26</sup> Kawawaŋaŋ Zuda am ewe gilik zemindatisâpm kan ke ewe kabigok. Am Zuda maŋgeen ku sokbembenaŋ ekŋenmagengatnaŋ Kawawaŋaŋ ikŋaŋgat ombemindeye ekŋen sambe keyaŋ nâmkĩnpemeŋgut kan keyet Zuda am sambe Kawawaŋ nâmkĩnpeme gilik zemti indatiwe. Kawawaŋgalen Zet Itnaŋanen pigok meluwaŋ mimiŋaŋ tazin,

“Saion mkaengatnan Weyeyaŋ An ñen koti Zekopgalen iŋsokŋane yomengatnaŋ gilik zem Kawawaŋmagen kopme yomin katikpesâpm.”

27 Kawawaŋgalen zet ŋen ekŋengat kapigok zeye, “Neŋ ewe yomin zulupma mepme ekŋenmak tâtâ alakŋaŋ ewe mbap.” *(Aizaya 27:9)*

28 Zuda am ekŋenaŋ Zet Zapat Dolakŋaŋ Penanŋ bamkumpewien keyepmti Kawawaŋaŋ ekŋengat kasaŋin beye. Yanŋut eweŋan Kawawaŋaŋ yeŋsokŋin Abalaam, Aisak ma Zekop ikŋaŋgat zapat ombemindeye keyepmti ekŋenmak zetik mge keyet nâmti keŋ taolet mamimindain.

29 Kawawaŋaŋ Zuda am ŋenemak zetik mge ke kanda kume zet tim yape yape ŋep ku mimiye-len. Zetnaŋ zeye ke bandim mti penaŋaŋ mme sokbewe.

30 Zuda am maŋgeen ku sokbemberaŋ in eweŋan Kawawaŋ ku nâmtiyepm zetnaŋ kulumti mamamtemien. Âpme Zuda am ekŋenaŋ Kawawaŋmak mamayet wisat mme egaŋ naman in indatime egalen aŋgalaŋ gogot keŋan kwabienanŋ mamaip.

31 Mme nan Zuda amnaŋ in eweŋan mambienok Kawawaŋ tazin e nâmtiŋgut egat zetnaŋ nâmti ku manâmkŋipeip mme in Kawawaŋaŋ aŋgalaŋ gogot in mamimindain. Yanŋut ekŋenaŋ gilik zemti Kawawaŋ nâmkŋipeme egaŋ kogogak Zuda am ekŋen aŋgalaŋ gogot mimindawe.

32 Zuda ammak am Zuda maŋgeen ku sokbemberaŋ ekŋen ilinsakwep Kawawaŋgat zimosetnan a yompaŋset bemâbien. Kogok mame Kawawaŋaŋ ilinsakwep kemberŋ mimindamti aŋgalaŋ gogotnanen indatim kwat indeme tapmaip.

*Nin Kawawangat kwizet buñaman mimwatonzempewanup*

<sup>33</sup> Wakae, Kawawangalen nânâ ma egalen ñotik ke teman penañ tu teman bekeboñ. Zemdelañ zenzenangot yañañ ke am ñenañ yañañ ñep ku nâmâtâtâgalen. Ma mulup mimiñangot yañañ kegogak am ñenañ ñep ku eknâmâtâtâgalen.

<sup>34</sup> Kawawangalen Zet Itnañanen zet kangwayet kapigok zein,

“Amobotnañgat keñanen zet tazin ke an ñenañ ñep ku nâñge. Ma egañ zet tazeme an ñenañ ku mukulem mpemti zeye.” (*Aizaya 40:13*)

<sup>35</sup> Zet ñen ewe kapigok zein,

“Ma an ñenañ kwitnañ ñen ñenañ msayeyañ keyet dopmañ mutumsawe?” (*Zop 35:7; 41:11*)

<sup>36</sup> Kwitnañ kwitnañ ekmagengatnañ etañ makopmâzin. Egañ kwitnañ kwitnañ sambe keyet ñotekñin bein ma egañ keyet damuñin bein ma kwitnañ kwitnañ sambe mge keyet nin egat kwizet buñaman mwawagalen kegok mti sesewatsapeñ mamambanup. Ke penañ.

## 12

*Nin keñ ma sekñ Kawawangat sâpe sâpenok sawanup*

<sup>1</sup> Kilaismagen notnne, neñ Kawawañ angalañ gogotnañgapmti zet nanañañ ñen zema nâit. In keñ sekñin Kawawangat sâpe sâpenok ke teñ ewe segen alik kapi tapmamti ketalasime egat etañ bewe. Mme in ilin sâpe sâpenjin nembon

ke Kawawaŋaŋ ekme oli oliŋaŋmak nâmtikŋaŋ min keyet kataŋ wembe. In kogok mip keyaŋ Kawawaŋgat sesewatsaip keyet kataŋ bein.

<sup>2</sup> Mti mama mimiŋinaŋ am nâmkĩŋpepepiŋaŋ mamamti maip sepem keboŋ ku mambep. In keŋ otnânâŋin mim gilik peme sepem ikŋak penaŋ beme Kawawaŋgalen zetnaŋ tazin keyet kataŋ mulup dolakŋaŋ ma mulup Kawawaŋaŋ ektikŋaŋ mimiyeleŋ ma kweteteŋmaŋ keyet za-pat mambep.

*Am ŋen Kawawaŋaŋ winde saye keyet kataŋ mulupmaŋ mbe*

<sup>3</sup> Kawawaŋaŋ keŋ taolet mnamti mulup kapi naŋgayepmti in sambeyet pigok zema nâit. Am ŋenaŋ ikŋaŋgat nâme mobotnaŋ ku bewe. Kawawaŋaŋ in nâmkĩŋpepeyet winde indaye keyet nâmkĩŋpepe keyaŋ mopmaŋ bemindeme keŋin mtoti mambep.

<sup>4</sup> In kapigok nâit, sekŋ kwewetaŋ yaŋgut bet-naŋ setnaŋ mee keyaŋ mulup mimiŋin sepem ikŋak ikŋak miwaŋgut ekŋen sek kwepgat but-naŋ.

<sup>5</sup> Kenok nin Kilaismak tusumti kwep bewenaŋ manup nin sepem kwep keboŋ. Nin am sambeyaŋ ondekti nâmkĩŋpepeen kwep be-mti Kilaisiyet setnaŋ ma betnaŋnok bemmamti mukulem ikŋak ikŋak mamnup. Ewan sek kwep ke bandim mpesâgât mamnup. Nin sambe piwan sek kwepgat butnaŋ butnaŋnokgapmti mukulem kekok mamambanup.

<sup>6</sup> Nin Kilaisiyet sekŋaŋ butnaŋnokgapm Kawawaŋaŋ keŋ taolet m ndamti sisiliŋ

kukuyet winde toŋak toŋak ndaye. Am ŋenan Kawawaŋgalen Zet notnaŋ tin ma Kawawaŋgalen Zet Zapat Dolakŋaŋ Penan zemkawaŋ bembeyelen winde sasaŋaŋaŋ buŋam zapat ke zemkawaŋ besâgâti Kawawaŋaŋ zet kapi ndain ke nâmkinpemti zet ke etaŋ zewep.

<sup>7</sup> Ma ninmagengatnaŋ ŋen ek notnaŋ mukulem mimiyet winde sasaŋaŋ beme mulupmaŋ ke eksemti mbe ma ŋen ek Kawawaŋgalen zet zikat indandayet winde sasaŋaŋ egaŋ an zikat indanda mulupmaŋ ke eksemti mbe.

<sup>8</sup> Ma nan ninmagengatnaŋ ŋen ek Kawawaŋgalen zelen zet tazin ke timti am zemgwatnaŋ mimiyelen winde sasaŋaŋ ek mulup ke weyaŋti mbe. Manan ŋen ek mânep milawatmak mama keyet winde sasaŋaŋ ek mânep milawatnaŋ ekdamuŋ mti bekopsat indamukulem msâgât nâmtemtempin mbe. Ma ŋen ek an damuŋ mulup mimiyet winde sasaŋaŋ egaŋ an damuŋ mulupmaŋ weyaŋ mbe. Ma ninmagengatnaŋ ŋen ek notnaŋ nukŋanen tapme kemberŋ mimiyelen winde sasaŋaŋ egaŋ nukŋaŋ titi ke oloŋen palen mbe.

### *Notn notn mamayelen set*

<sup>9</sup> Notdangat gogot mimi ke kenadangatnaŋ penan kwapme mbanik belak dembusek etaŋaŋ yek. Mti mama mimi bekaŋaŋ ke kasa kumpemti naman mama mimi pembenan mkipmaŋ bemti mamambanik.

<sup>10</sup> In notn notn penaŋ mti mambep. Mti in sambeyaŋ noline ekse ekse mti ilinaŋgat manâme topmambe.

11 In Kawawaŋgalen mulup mimiyeŋ sebet susukpiŋ, winderŋinbenŋ mbep. Naman mulup kegogak windembenŋ mamambep.

12 In Amobotnaŋaŋ inmagen kwitnaŋ ŋen mi-mindasâpmgat damuŋ mamti oloŋen palen mam-bep. Nukŋaŋ ŋen inmagen sokbeme in winde timti katikŋaŋ bemti tabep. Mti kan kataŋ in dundundu mulup mpeŋ mamambep.

13 Naman Kawawaŋgalen am notnaŋ indikme olat olat palen mame indamukulem mimi-dewep. Ma am mukup notnaŋ kopme indikti in weyaŋ indikdamuŋ mimindewep.

*Am nâmkŋipepeŋinpiŋmak notn notn mamaye-len set*

14 Amnaŋ in tototŋak indom walesâpme in Kawawaŋaŋ ekŋen dolakŋaŋ mimi-dandayet dunduwep. Kegogak ingat dembusekŋinaŋgatnaŋ saik zet ŋen ku tobep.

15 Nolinaŋ keŋan segeyek mme in ekmak sebe-mti kwilekiyeŋ segeyek min ke mukulem mti tabep. Naman nolin ŋen keŋ sindem palen tapme mukulem mti keŋin sindem palen tabe.

16 In ilinaŋgat maotnâip ŋoktik sepem keboŋagak noline tototnaŋ ekŋengat otnâmindewep. In ilinaŋgat nâme mobotnaŋ ku bewe, nolineyeŋ nâme mobotnaŋegak bewe.

17 An ŋenaŋ inmagen kwileki ŋen mim yuŋgum indame in dopmaŋ kegogak ku myuŋgum sawep. Yaŋgut in am sambe ekŋengat zikalinan mama mimi dolakŋaŋ etaŋ mamambep.

18 Mti an ŋenmak ŋenzinziŋ ku mbep. Am sambe ekŋenmak notn notn mmambep. Naman

an nenan gâgât notn notn ku mbe beme e egalen kwitnan kwitnan.

<sup>19</sup> Notnne penañ, in am nenan myunġum indame keyet dopmañ ku gilik zemti mindawep. Myunġunġu ke Kawawañgat betnan esemteñ be-mpewep eneyet Kawawañan ikñañ pigok zeye.

“Dopmañ mututu ke nâlen mulup.” *(Zii Zet 32:35)*

<sup>20</sup> In kapigok etañ mbep,

“Kasañin meuyet gakime meu indawanik ma tuyet gakime tu samane nimbe. Geñ kekok mmane gâlen mama mimi dolakñañ keyañ an tondi ke sakambuk temañ sawe. Mme keñañ mgilik zenak mene.” *(Totatatgalen Set 25:21-22)*

<sup>21</sup> Mama mimi bekañañ geñ ku mtogewe. Geñ mama mimi dolakñañ mmane keyañ bekañgalen winde kume topmâbe.

## 13

*Nin gapman ekñengalen zet kandañan mamam-banup*

<sup>1</sup> Gapman mulup ke Kawawañmagengatnan sokbeyeyepm am sambe gapmangalen zet kandañan mepme delañ zemâpbe. Ekñañ Kawawañan zemâtâtpeye keyet katnanen mulupminn mamip.

<sup>2</sup> Kegogapmti annne gapman mulup mti maip ekñengalen zet ku kuwanup. Zelin kulunup beme ekñengalen yek; Kawawañgalen zet kulunupnok bein. Keyet dopmañ kangat zelen tabanup.

3 Mti am damuñin mamaip ekñengat kiñgagatpiñ. Mama mimindi dolakñañ tagain beme eneyet kiñgasât? Bekanañ mamip ekñañ kiñgat indeip eneyet ekñañ bekañ mamip keyepm kekok mip. Âpme nin kiñgagatpiñ mamasât nâmti mama mimi dolakñañ mbanup.

4 Gapman ekñen Kawawañgalen mulup angapmti ndamukulem mme dolakñañ mamayet mulup mamip. Âk ekñengalen zet dolakñañ mimiyet zeip ke ku gawepumti bekañ mnup beme ekñen bekañgat dopmañ mututuyet mulup mimiyelen Kawawañgañ mulup zet ke indaye.

5 Keyepmti in zelin penañ gawepuwep. E yañañ kapigogat: dopmañ mutumgawep keyet kiñgagagatnañgat etañ yek ma ingat keñinanen ke mimiyelen keñin maindembein keyet penañañ msâtnâmtiyepm mamip.

6 Ekñen Kawawañgañ damuñ mulup mimiyet zemindeye ke mamip. Keyet nin takis mânep bemann keyetnañ timtati tosañin tiwep ma ninmagen mulup mbep.

7 Âpme in kwitnañ kwitnañ zemâtâtâtnañ keyet katan mbep. Takis indandayet zenzenañ ekñen takis mânep indawep. Ekñen sisiliñ mulup mimindandayet zenzenañ ekñen sisiliñ mulup mimindawep. Kandañinan mtoti mamayet zenzenañ ekñengat kandañinan mtoti mambeb. Kwizet buñamin mwawatgat zenzenañ ekñen kwizet buñamin mwat indewep.

*Notn notn mti keñ taolet dopdop mbep*



<sup>8</sup> Nodangalen dopmanj genmagen tazin beme ke mutuwanik. Ninmagen dopmanj nen mutu-tuyelennok tazin ilak nolinangat indembembe ke taindame nolin kan katanj gogot mimindemambep. Kogok mbewanj zeinen in nâlen gogotgalen zii zetn mangawepup bein.

<sup>9</sup> Zii zelen pigok zenzenaj:  
 “Awembinjit kalelanj ku mbalup,”  
 “Gej kasa ku kuwanik,”  
 “Gej kambu ku tiwanik,”  
 “Nodangalen kwileki neniyet eyak ku mbanik.”

*(Kisim Bek 20:13-17)*

Zii zet ke ma ankenoo zet notnanj sambe talip ekngengat temakwep bemti noteknanj pigok zenzenaj,

“Gitangat mangembein sepem kegogak nodangat gembewe.” *(Wok Pris 19:18)*

<sup>10</sup> Am gogotmak mambe eganj notnanj kwileki nen ku myungum sawe. Keyepmti am nenanj gogot palen mamain eganj zii zet nodangat gogot mimi ke ilak mangawepun.

<sup>11</sup> Kegok mimiyet zemindendenaj in kan alak tapmanup kapiyet yanjbemti mit. In muluk wewenjanok mama tapmaip e peme tapme ewenjan Kawawanj nâmkijpemti mama mimi dolaknanj mbien ewan mit eneyet Amobotnanj kokotnangalen kan soknan bein.

<sup>12</sup> Tambumbu delanj zeme msalanj msasâgât sasat kuingapmti nin tambumbuyelen kwitnanj kwitnanj timan tamepme msat msame kasayelen timbi sâk timti eksemti tatne.

<sup>13</sup> Nin amnanj msayet mamanup kegogapm mama mimi pembenanj mam mambanup. Nin

tu katiknaŋ nimti keŋ kileŋ ku mbanup. Nin kanzowak kileŋ kileŋ mti imbimak set kileŋ ku mbanup. Ma nin am notne ekŋengalen kwitnaŋ kwitnaŋgat eyak mti ŋenzinziŋ kileŋ ku mbanup.

<sup>14</sup> Zisasi Kilais ek nâmkijpemti ekmak tususuŋin tapme mamti mambep. Mti keŋ itnaŋaŋgalen mama mimi mgasik sambe e bamkumpemti keyet ŋen ewe ku otnâmbanik.

## 14

*Nin notnneyelen mama mimiŋinaŋgat yaŋaŋ ekti, “Geŋ keboŋ neŋ keboŋ nnagak,” zemti ku atindândâwep*

<sup>1</sup> Am nâmkijpepeŋinmak notnaŋ ingat tuŋguwinan tapmaip ekŋen nâmkijpepeŋin tuwat tuwat kogogapmti mama mimiŋaŋgat ku atindândâwep.

<sup>2</sup> Notnaŋ inmagen an nâmtemtemiŋin ekŋengalen mama mimiŋin kapigok tatindain, “Neŋ kwitnaŋ sambe ŋep nimâbâgalen etaŋ.” Ma notnaŋ nâmtemtemŋinmak pigok nâip, “Neŋ kwitnaŋ kwitnaŋ Kawawaŋaŋ nâme neŋ niniyelen beye ke etaŋ niniyelen,” zemti msikokok etaŋ manip. An nâmtemtemaŋpiŋaŋ an nâmtemtemŋaŋmagat ku ekme topme nâmtalat pewe.

<sup>3</sup> It temakwep Kawawaŋgalen am kegogapm geŋ nâmtemtem kumti kwitnaŋ kwitnaŋ ek-seseŋin mannik in noline nâmtemtemŋinmak ku indikme topme ektalat indewep.

<sup>4</sup> Keyepmti geŋ an zibonaŋ an ŋeniyelen mulup an ŋeniyet, “Geŋ Kawawaŋgalen set tazinen ke ku mainik,” zeme ŋep bewe? Egaŋ mulupmanen windenaŋ bemti tabe ma tuwat tuwat bewe keyet zetnaŋ zenze ke Amobotnaŋaŋ zenzeyelen, eneyet zet keboŋ zenze ke Kawawaŋgalen; nin yek. Keyepmti egaŋ tuwat tuwat ŋep ku bembeyelen Amobotnaŋaŋaŋ mukulem mpeme ŋep gweŋ gweŋ kumti tabe.

<sup>5</sup> An ŋenaŋ kasup kwep ŋeniyet nâme mobotnaŋ penaŋ beme pigok manâin, “Kasup mulup mimi kwep kapiyaŋ kasup notnaŋ sebemindemti gwaen tazin kegok mambein.” Âpme an ŋenaŋ nâme, “Kasup mulup mimi sambe bepi sepemin kwep mambein” Am sambe nânâjin sepem ikŋak ikŋak kegok tazingapmti kwileki ŋen msât nâmbep beme ŋep ilinak kwep kwep nâmti mbep.

<sup>6</sup> An msasa ŋen Amobotnaŋgat sesewatsasayet nâmti ombep bep beme egaŋ Amobotnaŋ kwitnaŋ kwitnaŋ mwasâti kegok mip. Ma an songom meu nâmtemtemaŋpiŋ manin ma an nâmtemtem mti eksemte egaŋ sikokok etaŋ manin. Mti egelaŋ kegok milut ke Amobotnaŋ Kawawaŋaŋ kwitnaŋ kwitnaŋ meu maidain keyet nâmti dundum samti wisikŋ zemti manilup.

<sup>7</sup> Am nin mamakup kapi ninaŋgat kwizet buŋamak bembeyet mti ku mamakup yek. Nin mama miminnanen kwitnaŋ ŋen minup beme nin ke mman Kawawaŋaŋ keyet kwizet buŋamaŋ tin. Mti mama mamakup ke Kawawaŋaŋ nâme tikŋaŋ bembeyelen ke mti keyet keŋan mene gakiki aiknup beme ke kegogak Kawawaŋgat

zapat bein.

<sup>8</sup> Kegogapmti nin msalen kapi mamti Amobotnaŋgat kwitnaŋ mwatomzempemti mamambanup. Nin Kawawaŋgalen zapat mamamup keyepmti gakinup ma alik mambanup beme Kawawaŋgalen kwitnaŋ kwitnaŋ etaŋ.

<sup>9</sup> Amobotnaŋ gakimti naman gilik zemti wage ke yaŋaŋ kapigogat, Kilaisiyaŋ am gakikiŋaŋ ma am alik mamamup ningat Amobotnaŋaŋ temakwep mamayet nâmti gakimti wage eyaŋ ningat Amobotnaŋaŋ tazin.

<sup>10</sup> Kilais ek ningat Amobotnaŋaŋ kogogapm geŋ soŋgom meu ku manik in ekŋen soŋgom meu manip ekŋengat zekukuŋin ku mbep. Naman kegogak geŋ soŋgom meu manik in ekŋen soŋgom meu ku manip ekŋengat zekuku ku mbep. Nin sambeyaŋ Kawawaŋgat zikatnan sokbemann egaŋ nin sambeyet zetn zemdelaŋ zewe.

<sup>11</sup> Kawawaŋgalen Zet Itnaŋanen golaŋ zenze an Aizayayaŋ zet meluwaŋ kapigok mimiŋaŋ tazin, “Amobotnaŋaŋ zeinen neŋ penaŋ sukwep penaŋ mamayapgapmti in nâgât pedondom namti zewep. Nen Kawawaŋ neŋ an zet zemdelaŋ zenze an.” (*Aizaya 49:18; 45:23*)

<sup>12</sup> Keyepm nin sambe pi Kawawaŋgat zikatnan yaŋaŋ zemsokbemann delaŋ zemâbe.

*In nolineyaŋ Kawawaŋ mâbâgalen selin kwitnaŋ ŋenaŋ ku bekekbeŋ*

<sup>13</sup> Keyepmti in Kilaisiyelen am maŋge ekŋengat zet zemdelaŋ zenze zet mulup ku mbep. Mti naman ŋen kapigogak ku mbep, in Kilaisiyelen am

manje selinan kwitnaŋ ŋen mme keyaŋ ekŋen mme toindondoyelen seleset ku indaik mebep.

<sup>14</sup> Neŋ Amobotnaŋ Zisasmak tusuwanaŋ mamayap keyepmti neŋ pigok nâyaŋ, meu sepe- maŋ iŋak iŋak tapmezin keyaŋ naman keŋ mme bekaŋaŋ beme neŋ Kawawaŋgalen ku bem- beyelen mulup mamm. Kogogapm ŋen egaŋ meu ekseseŋaŋmak, “Ŋen nimti keŋ keyaŋ mme bekaŋaŋ beme Kawawaŋgalen an ku bewap,” nâme nin egalen nânâ ke ku mann topme meu ke niniyelen apitilimpewek mene.

<sup>15</sup> Kogok apitilimpemtiŋgut geŋ zedi mâti meu egaŋ, “Nima keŋ mme bekaŋaŋ bewe,” manâin ke naman geŋ giti totati tatnimane gigeŋ. Gikti egaŋ keŋanen nâme bekaŋaŋ bep. Kegok mnak beme gâlen nodanŋat keŋdi bembe ke ku tazin. Geŋmak nodi it ilisakwep Kilaisiyaŋ gi- lik zemti idadagat gakiye. Keyet geŋ nodanŋat ŋoktik nâmamaŋaŋ kumane gakikiyet setetekdi lendetme mama mimi egaŋ nâmtemtem min ke ku mbanik.

<sup>16</sup> In kwitnaŋ kwitnaŋ pembeŋaŋ zemti maip keyanŋut mama mimi keyet nodanŋ ekme nukŋaŋ ma ekseseŋmak mambein kogogapm geŋ eksem- ti mbanik. Mneti nodanŋ keyet nâme mgasik mam- beinaŋ zeok zet notnaŋ zeweyet eksem- ti mam- mambanik.

<sup>17</sup> Kawawaŋgalen zemâtâtâtŋat mama ke Emetak Teŋaŋ amgat keŋinan mulup mme amnaŋ mama kapigok mamip: nolinmak oloŋkati mamaip ma nolinmak keŋ sewakŋaŋ palen ma mama kwetetepmaŋ Kawawaŋaŋ nâmtikŋaŋ min ke mamaŋinan mamkawaŋ beip. Kawawaŋgalen

amnaŋ in keyet otnâmti tu meuyet etaŋ atindândâ ku mbep.

18 Keyepm an ŋenaŋ set ke imti Kilais sisiliŋ mulup msamti mainen Kawawaŋaŋ ek nâmpeme dolakŋaŋ bewe. Ma am ekŋenaŋ kegogak egat nâme dolakŋaŋ penaŋ bewe.

19 Keyepmti sewakŋaŋ mama keyaŋ notnnemak ningalen mamayet popenaŋ bembeyelen ŋokaŋkaŋ kumti mbanup. Naman notn mukulem mukulem ke kogogak mti Kawawaŋgalen mama mimi in mimiyet manâinen ke mamaŋinan penaŋ mkatikŋaŋ bewep.

20 Geŋ tu meuyepmti nodanŋalen nâmkinpepeŋaŋ Kawawaŋmagen tazin ku walebanik. Bo me sambe ekŋen ke dolakŋaŋ etaŋ. Kawawaŋaŋ nin niniyelen bempeye yaŋgut bo me ninup keyet notn keŋaŋ walatme ekme tokukuyelen bep beme geŋ bo me ke ninipiŋ.

21 Geŋ nodi keŋaŋ ku mmane bekaŋaŋ bembeyelen nâmbanik beme geŋ soŋgom sesumbanaŋ ma wain tu ma kwileki ŋen ku nimbanik ma kwileki ŋen mmane nodanŋat keŋaŋ mme bekaŋaŋ ku bewe.

22 Geŋ kapigok nâmbanik, tu me niniyelen maotnânik ke geŋ ma Kawawaŋ igalen kwitnaŋ kwitnaŋ. Kegogapmti nodimak tu meuyet atindândâpiŋ. Geŋ kwileki ŋen yayaŋ palen ku mnik beme keyet keŋdan nâmane ŋep beme oloŋen mbanik.

23 Yaŋgut an ŋenaŋ keŋ zut mtiŋgut kilen ke nimbe beme ek nimti yommak bewe. Egaŋ

nâmkinpepepiñ ilak nin keyet penañan kekok sok-bewe. Nin kwileki ñen nâmtetem palen belak etañ mman keyañ yommak etañ bemâpbe.

## 15

### *Nin Kilaisiyañ manje sepem keyet katan mambanup*

<sup>1</sup> Nin nâmkinpepeen katikñañ bemti kwitnañ kwitnañ ñen ku eksemti kambuk ku manzenup nin am nâmkinpepepiñ tuwat tuwat kwitnañ kwitnañ eksemti kambuk manzeip ekñenmak atindândâpiñ sewakñañ palen mambanup. Kogok mamti nin nânuwen kapiyañ pembenañ etañ kogok nâmti sek mmopmot ku mbanup.

<sup>2</sup> Nin notnne indamukulem mman nin mama mimi dolakñañ minuwen keyañ ekñen indamukulem mimindeme Kawawañmak tusu mamanan mkatikñañ bewe.

<sup>3</sup> Kilais egañ kekokak ikñañgat nâme mopme ku manje. Kegogapmti Kawawañgalen Zet Itañañan Dewilañ Zisasiyet zet ñen kapigok kuyeyañ tazin ke penañañmak beye,

“Kawawañ zemtalat pewien keyañ neñ zemtalat newien kekok bein.” *(Sam 69:9)*

<sup>4</sup> Kawawañgalen Zet Itañañan zet ke belak ku kukuñañ. Zet keyañ mama mimi dolakñañ zikat ndandayelen nâmti meluwañ mimiñañ. Zet keyet keñañ tazin keyañ nin ñep ndamukulem mme nâmkinpepeen kaliñañ bem tati Kawawañ koti yommak gakiki mtot idesâpm keyet damuñ mti webepañ tabanup.

<sup>5</sup> Kawawaŋ ek am keŋin mkatik beme kaliŋaŋ be-  
mti tatat toŋaŋaŋ ŋep indamukulem mimindeme  
Kilaisiyelen mama mimi ke timti keŋ kwep bemti  
mambep.

<sup>6</sup> Kogok mti nin sambe keŋ kwep bemti Amobot-  
naŋ zemesewatpewanup. Kegok minuwen Zisas  
Kilaisiyet bipmaŋ Kawawaŋ nin zemesewat  
mnup keyaŋ kwizet buŋamaŋ mme palakŋaŋ  
bein.

<sup>7</sup> Notn notn mti keŋ kwep bem mama keyaŋ in-  
galen mamayet popenaŋ beme noline keŋ oloŋen  
palen indazemtetime kopme mait. Kilaisiyaŋ in  
indazemtetiye keyet penanaŋ notn notn mmame  
mti Kawawaŋgat kwitnaŋ mme palakŋaŋ bewe.

<sup>8</sup> Kawawaŋaŋ notnne Zuda indamukulem mme  
kapigok nânâyelen nâmti Kilais peme koge. Egaŋ  
ekŋengat mukulem mimi an yeŋsokŋineyet zetik  
mge ilak Kilais zempeme kogeyaŋ egalen zetik ke  
mme penanaŋmak sokbeye.

<sup>9</sup> Kegok mgeyepm am Zuda maŋgeen ku  
sokbembenaŋ ekŋenaŋ Kawawaŋgalen aŋgalaŋ  
gogotgat zemesewatpepeyet nâmti kegok mme  
Kawawaŋgalen Zet Itnaŋanen tazin keyet katnaŋ  
sokbeye,

“Neŋ Zuda am maŋgeen ku sokbembenaŋ am  
ekŋengat zikalinan zemesewatgemti si-  
lik kwizet buŋamdi mwawatgat mililim  
kuwap.” *(2 Samuel 22:50; Sam 18:49)*

<sup>10</sup> Naman zet ŋen ewe Kawawaŋgalen Zet Itnaŋaŋ  
zenzeŋaŋ kapigok tazin,

“Am Zuda maŋgeen ku sokbembenaŋ ekŋenaŋ  
koti ikŋaŋgalen maŋgeen ekŋenmak



tusumti zemesewatnewep.” *(Zii Zet 32:43)*

<sup>11</sup> Naman zet ñen ewe kapi zenzenañ tazin,  
 “Am Zuda manjeen ku sokbembenañ, in ilin-  
 sakwep Amobotnañ oloñen mpemti sese-  
 watpewep ma am sambe ekñenañ kegogak  
 egat nâme mopme zemesewatpewep.”  
*(Sam 117:1)*

<sup>12</sup> Ma Aizayayañ zet ñen kapigok kuye,  
 “Zesimagengatnañ an ñen sokbewe egañ Zuda  
 am manjeen ku sokbembenañ ekñen ma  
 am sambe ekñengalen Amobotnañ bewe.  
 Mme am Zuda manjeen ku sokbembenañ  
 ekñenañ egañ indamukulem mbeyet webe-  
 mti mambep.” *(Aizaya 11:10)*

<sup>13</sup> Keyepmti neñ in Zuda am manjeen ku sokbe-  
 mbenañ ingat nâmkijpepenin ma webembenin  
 Kilaismagen tazin keyañ keñin msewak beme  
 mamayet mandunduyap. Kawawañ ek webembe  
 toñañ keyepm Emetak Teñ indaye keñinan tazin  
 keyañ webembenin mkatikñañ beme mamayet  
 mandunduyap.

*Pâl Kawawañgalen Zet Zapat Dolakñañ timti  
 am Zuda manjeen ku sokbembenañ ekñenmagen  
 zenze an*

<sup>14</sup> Kilaismagen notnne, inmagen keñ taolet  
 mimi ma mama mimi teñ keyelen set ke ilak  
 ke Kawawañañ keñinan bemisik peme mamaip  
 keyepmti ilinagak mukulem mukulem mti ñoktik  
 dolakñañ dopmañ sam dopmañ sam mimiyet ñep  
 mmambep. Neñ ingat yañañin kekok ke ilak  
 manâmkatik beyap.

15 Âpme neŋ Kawawaŋaŋ keŋ taoletnaŋgat Zet Zapat Dolakŋaŋ Penaŋ zenze mulup ke tewalaŋ mneŋge keyepmti neŋ zet notnaŋ ingat zesâgâti kwalan kwalan ku mamiyap.

16 Kilais egaŋ am Zuda maŋgeen ku sokbembeŋaŋ ekŋenmagen Zet Zapat Dolakŋaŋ Penaŋ zempalakŋaŋ bembeyet naombemneŋge keyepmti neŋ Kawawaŋgalen Zet Zapat Dolakŋaŋ Penaŋgapmti sâpe sâpe bumbu anok beyap. In Kawawaŋgat wisikŋ tewalaŋ Emetak Teŋaŋ keŋinan mme kwetetepmaŋ beme Amobotnaŋgalen wisikŋ tewalaŋ dolakŋaŋ Kawawaŋmagen neŋ mmet Kawawaŋgat tewalaŋ ke sâpe sâpe bumbuyet mulup zet ke naŋge.

17 Neŋ keŋ bugan oloŋen bein enenogat neŋ Kawawaŋgalen mulup ke mma keyet keŋanen Kilais Zisasiyet kwizet buŋamaŋ mwaban keyet nâyaŋ.

18 Neŋ sekŋ mobot zet zeya gwa yaŋaŋ kapi-gogak, neŋ Kawawaŋgalen Zet Zapat Dolakŋaŋ Penaŋ timti mulup dolakŋaŋ am Zuda maŋgeen ku sokbembeŋaŋ ekŋenmagen timet zema Kilaisiyaŋ indamukulem mme nâmkŋpepeen kwabien keyepmti zeya.

19 Neŋ menok ma winde mamanan aŋ notnaŋ tatname zet zewan ke Emetak Teŋaŋ winde name mti Zelusalem mkaengatnaŋ yaŋbemti Kilaisiyelen Zet Zapat Dolakŋaŋ Penaŋ katnaŋ ke ilak msat kataŋ zempalakŋaŋ bemmeti met Ililikam msalen met patan zewan.

20 Neŋ am ŋenaŋ mka taŋkawat tendempeye keyet palen mka walalatgat nâma ŋep ku bein.

Kegogapm nanangat mawalalap. Kegok mamiawen neŋ Kilaisiyelen Zet Zapat Dolakŋaŋ Penanŋ kapi am notnaŋ ku nâip ekŋenmagen met zempalakŋaŋ bembeyet tikŋaŋŋ omba penanŋ matazin.

<sup>21</sup> Kawawaŋgalen Zet Itnaŋanen golaŋ zenze an Aizayayaŋ zet zeye ke penanŋaŋmak bembeyelen manâyawen ke kapigok zeye,

“Am zet zapatnaŋ ku nânâŋaŋ ekŋenaŋ ke eknâmâtâbep.” *(Aizaya 52:15)*

<sup>22</sup> Zet keboŋ keyaŋ naopem manamandame mulup mamiyap ke ekma ektemtemŋaŋmak beme inmagen sakwep kokogalen kwindendenŋaŋmak beye.

*Pâlaŋ Loma am met indikti omteŋ Sipaen msalen mesâgât nânge*

<sup>23</sup> Neŋ am ekŋen kapimagen mulup mimiyet nâmbanen ilak mma delaŋ zeme inmagen kosâgât webe webe teepmaŋ mban ke elak danŋome inmagen kosowap.

<sup>24</sup> Neŋ in kot indikti inmak belaknik taindema mukulem notnaŋ mnamenŋut indemti Sipaen msalen indem mebap ke nâma kopme oloŋen miap. Sipaen msat ke mebegalen manâyap kegogapm mebap.

<sup>25</sup> Yanŋut alak pi Kawawaŋgalen an imbi indamukulem msâgât Zelusalem mkaen mesâgât weyaŋbe weyaŋbe notnaŋ tapmiap.

<sup>26</sup> Ke notnne Kawawaŋgalen am bembenaŋ Masedoniamak Akaia Plowins ekŋenaŋ Zelusalem mkaen Kawawaŋgalen am olat olat palen mamaip ekŋen indamukulem mimindemti

zemtâmti milawat akumbemti beme Zelusalem mesâgât oloņen palen tapmip.

<sup>27</sup> Ekņenaņ keņ taolelin tazin keyet katanĵ mme dolakņanĵ penaņ bein. Yangut ekņen Zelusalem am ekņenmagen dopmaņin butnaņ tazin. Ekņenaņ am Zuda maņgeen ku sokbembenaņ ekņengat Kawawaņgalen Zet Zapat Dolakņanĵ Penaņ timamti zenze an bemti ekņenmagen Zet Zapat Dolakņanĵ Penaņ timkokotnaņ keyaņ ekņengalen dopmaņin mututuyelenok keyepmti ekņenaņ sekgalen bandim ke akumbemti indame ņep penaņ bembeyelen.

<sup>28</sup> Âpme zemkatik bewien keyet penaņanĵ sekgalen bandim akum bewien ke neņ timti met indama delaņ zeme gilik zem inmagen koti keyetnan Sipaen msalen mebap.

<sup>29</sup> Neņ inmagen kobawen belak penaņ yek. Neņ Kilaisiyelen windenaņmak koti ingalen nâmkinpepeņin Zisasmagen bemtalip ke kegogak mgwatnaņ mimindewap.

<sup>30</sup> Kilaismagen notnne, neņ Amobotnaņ Zisas Kilais egapmti Kawawaņanĵ nin egalen mulup an ombemndeyeyepmti Emetak Tenanĵ keņnan bempeye keyaņ indamukulem mme notnneyet gogot mimiyet ndaye. Keyet Kawawaņanĵ nâlen nukņanĵ ke mukulem mimiyet dundum sait.

<sup>31</sup> In kegok namukulem mme Kawawaņanĵ Zudia msalengatnaņ am nâmkinpepeņinpiņ ekņengalen belengatnan gilik zemti napbe. Ma Kawawaņgalen am Zelusalem mamaip ekņengat am Zuda maņgeen ku sokbembenaņ ekņenaņ milawat ondek beme tim mebap keyet oloņen

mbep.

<sup>32</sup> Kegok mme neŋ inmagen kosâgât oloŋen palen koti inmak bugan tat indema kegoset ke Kawawaŋaŋ in ma nâgât keŋ neŋ mme oloŋen bewe.

<sup>33</sup> Kawawaŋ ek keŋ sewak mama keyet ŋotekŋaŋ egaŋ inmak kwesiŋ mamayet nâmti dunduyap.

## 16

*Pâlaŋ Loma mka temaŋgatnan an imbi ekŋengat nâpeŋ mamamtan*

<sup>1</sup> In nâgât Kilaismagen ipm Pebe egaŋ inmagen kot pataŋ zeme in ek weyaŋ ekdamuŋ mbep. Ek Senkli mkaen imbi damuŋ matazin.

<sup>2</sup> Âpme neŋ in Amobotnaŋgat nâmti Pebe mki-tik peme ingat tuŋguwinan mamayet nâmti diindoyap. Kawawaŋgalen an imbi nin mama mimi dolakŋaŋ kekok ŋep penaŋ mimiyelen. Egaŋ kekokak neŋ ma am notnaŋ mandamukulem mamimindain keyepm ek nukŋaŋ ŋen sokbem-same in mukulem mpewep.

<sup>3</sup> Mti Plisilamak Akwila eget nenmak nsakwep Kilais Zisasiyelen mulup animbiŋaŋet nâgât egaŋ indamukuin zewep.

<sup>4</sup> Egeŋaŋ nâgât mti sekŋit walesât mbungapmti Kawawaŋgalen am Zuda maŋgeen ku sokbem-beŋaŋ ma neŋ egetgat keyet nâmamozin.

<sup>5</sup> Ma egalen mkaen an imbi ondekti Zet Zapat Dolakŋaŋ Penaŋ zenâ zenâ mamip ingat kekokak indamukumindein. Ma in Epiŋetas notn penaŋ Esia an Kilais kukŋaŋgat nâmkiŋpeyeen ek kekokak mukumpeyap.

<sup>6</sup> Malia egat kegogak zeme nâk egañ inmagen mulup omba penañ mge keyepm neñ egat nâma dolakñañ beme ek kegogak mukumpeyap.

<sup>7</sup> Adonikus an ma Zunias ek imbi eget am mañge msat kwepgatnañ neñ keyetnañgapmti neñmak nsakwep mka katiñañ kek ndeme taben. Egetgat zeme nâselup neñ eget kogogak mukumideyap. Eget an imbi kwizet buñamit temañañ ma eget kogogak an imbi Kawawañgalen zet timamti zenze an ekñañgat tunguwinan mamti Kilaisiyelen Zet Zapat Dolakñañ Penañ ñeñañ benti nâmbun. Neñ ewe belak mama egelañ kegek mbun.

<sup>8</sup> Ampliatus ek Amobotnañgalen mama mimien notn penañgapm mukumpeyap.

<sup>9</sup> Ulbanus ek Kilaisiyelen mulupgat mandamukulem mindein ekmak Stakis egat notnet penañgat idamukum ideyap.

<sup>10</sup> Apelis ek Kilaisiyelen mulupgapm sindem omba same ke epumti mañge keyañ mme ek Kilaisiyelen an penañ mamain mukumpeyap. Mti am Alistobulus egalen mkañañen matalip ekñañ kegek mukumideyap.

<sup>11</sup> Zuda an notn Elodion ma am Nasisusyelen mañge Amobotnañmak mamaip ekñañ kegek indamukumideyap.

<sup>12</sup> Imbi zut Tilipenamak Tiliposa egelañ Amobotnañgalen mulup nukñañben penañ mamilup. Imbi eget kegek mukumideyap. Pesis ek Kawawañgalen mulup windañañben mangapmti ek kegek mukumpeyap.

<sup>13</sup> Lupus ek an Amobotnañ mâti mamayet

gingiņ mamain. Ek mamenet egelaņ dolakņaņ nadamuņ mbun mti mamaņaņ nâgât mamm-nok penaņ beye keyepmti eget kegogak mukumideyap.

<sup>14</sup> Asinklitusmak Pligon ma Elmes ma Patlobas ma Elmas ma an notnne notnaņ ekņenmak ma- maip ekņen kegogak mukumindeyap.

<sup>15</sup> Pilologusmak imbiņaņ Zulia ma Neliasmak ipmaņ ma Olimpzas ma Kawawaņgalen an imbi sambe ekmak matalip ekņen kegogak indamukumindeyap.

<sup>16</sup> Kawawaņgalen an imbi mama mimiņin tazin keyet katanā ilinak notn notn mti bet butem aiwep. Msat katanā Kilaisiyelen maņge ekņenaņ ingat kegogak nâpeņ mamaip.

*Am notnaņaņ nâmkiņpepemak maindakalaņ indeip ekņengalen zet*

<sup>17</sup> Kilaismagen notnne, in indakalaņti Zet Zapat Dolakņaņ Penaņ zemzikat indamimiņaņ ke myuņgusât mamip. Am ekņen keboņgat indiksem indemti bamkumindewep.

<sup>18</sup> Am ekņen keboņ keyaņ Amobotnaņ Kilais egat mulupmaņ ku mamip. Ekņenaņ ilinaņgat keņinaņgalak mulup ke mamip mti sek mmobot zet zemti an imbi notnaņ keņin uwatnaņ zet kelakņaņ mimindamti maindatetimindeip.

<sup>19</sup> Zet Zapat Dolakņaņ Penaņ nâmti maņgawepup keyet zet zapalin msat katanā mepmâge. Âpme neņ keyet ingat keņ dolak nâmti pigok diindosowap. Kwitnaņ kwitnaņ dolakņaņ mimiyet keņin imbelanaņ beme olonēn

palen mbep. Kwitnañ kwitnañ bekananğatgut imbelanañ bemti ku mbep.

<sup>20</sup> Kawawañ An sewakñañ toñañ egañ Sadañ belaknik kapi mtopesâpm. Amobotnañ Zisas Kilais egalen keñ taolelañ inmagen wemti wembe.

<sup>21</sup> Mukulem mimin Timoti ma Zuda am notnne notnañ Lusias ma Zeson ma Sosipata ekñañ in keğogak indamukumindeip.

<sup>22</sup> Tetias neñ Pâlañ zet zeme keyet katanñ zet kapi kumti Amobotnañğat kwitnanen zet kapi ingat kumidalup mti neñ in keğogak indamukumindeyap.

<sup>23</sup> Gaiasyañ neñ ma nâmkinjañpepeñinmak mandikdamuñ minden egañ keğogak in indamukumindein. Ma Elastas ek Loma gapmangalen mulup an mka kapiyelen mânep damuñ ek ma ningat notn Kwotas egelañ in keğogak indamukumindeip.

<sup>24</sup> Amobotnañğalen anğalañ gogolañ inmagen wemti wembe penañ.

<sup>25</sup> Kawawañañ neñ Zet Zapat Dolakñañ Penañ tim kotdiindowaneset ingalen nâmkinjañpepeñin Zisas Kilaismagen tazin ke mme winderñañbenñep tatagalen. Mme Kawawañğalen zet enzililiñañ eweñañ baen takwage ke Nemuñañ ningapmti peme kotgakikiyelen nânge kelak sokbeye keyet zapatnañ mandiiñdonup.

<sup>26</sup> Kawawañ mama kanzizit mamain egañ zemndeme nin keyet katanñ manzemkawañ benup. Ma am sambeyañ ke nâmti gawepupuyet nâmti zeme golañ zenze an ekñañ papiaen yañañ sosok zemkawañ bemti meluwañ mpepeñañ.



27 Âpme Kawawaŋ ek an ŋoktikŋaŋ temaŋ  
mamain Zisas Kilais ningapmti zempeme koge  
keyepmti Kawawaŋ zem oloŋen mpemti kwesiŋ  
kwesiŋ sesewatpepeyelen! Ke penaŋ.

**Kawawangalen Tâtâ Alakŋaŋ**  
**The New Testament in the Nabak Language of Papua**  
**New Guinea**  
**Nupela Testamen long tokples Nabak long Niugini**

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

---

PDF generated using Haiola and XeLaTeX on 18 Apr 2025 from source files dated 31 Aug 2023

ea68a902-358a-5c72-82de-a583fc4809e7